


後漢書

四

漢書門			
類	號	函	架
一	三	五	〇
冊	架	函	架

內閣文庫			
類	號	冊	函
漢	三	三	二
書	五	〇	八

內閣文庫			
番號	漢	135	
冊數	30(4)		
函號	280	8	



後漢書帝紀第九

宣城太守范曄撰

章懷太子賢註

獻帝紀

孝獻皇帝諱協靈帝中子也諡法曰聰明睿智曰獻協之字曰合張璠記曰靈帝以帝似己故名曰協帝王紀曰協字伯和

母王美人為何皇后所害中平六年四月少帝即位封帝為渤海王徙封陳留王九月甲戌即皇帝位年九歲遷皇太后於永

安宮董卓遷也洛陽宮殿名曰永安宮周廻六百九十八丈故基在洛陽故城中大赦天下改昭寧為永漢

丙子董卓殺皇太后何氏初令侍中給事黃門侍郎員各六人

續漢書曰侍中比二千石無員漢官儀曰侍中左蟬右貂本秦丞相史往來殿中故謂之侍中分掌乘輿服物下至褻器虎子之屬武帝時孔安國為侍中以其儒者特聽掌御坐唾壺朝廷榮之至東京時少府亦無員駕出則一人負傳國璽探斬蛇劍乘輿中官俱止禁中又曰給事黃門侍郎六百石無員掌侍從左右給事中使關通中外應劭曰黃門侍郎每日暮向青瑣門拜謂之夕郎與服志曰禁門曰黃闥以中人主之故號曰黃門令然則黃門郎給事黃闥之內故曰黃門郎本既無員於此各置六人也獻帝起居注曰自誅黃門後侍中侍郎出入禁中機事頗露由是王允乃奏侍中黃門不得出入不通賓客自此始也○劉攽曰註乘輿中官俱止禁中案又當云參乘與中官

俱止禁中少一賜公卿以下至黃門侍郎家一人為郎以補宦官

所領諸署侍於殿上靈帝熹平四年改平準為中準使宦官為令自是諸

西以太尉劉虞為大司馬董卓自為太尉加鈇鉞虎賁禮記曰

豫州牧黃琬為司徒遣使弔祠故太傅陳蕃大將軍竇武等冬

十月乙巳葬靈思皇后白波賊寇河東薛瑩書曰黃巾郭泰等起於西

董卓遣其將牛輔擊之十一月癸酉董卓為相國十二月戊戌

司徒黃琬為太尉司空楊彪為司徒光祿勳荀爽為司空省扶

風都尉置漢安都護扶風都尉比二千石武帝元鼎四年置中興不改

除光熹昭寧永漢三號還復中平六年至此以羌擾三輔故省之置都護令總統西方

初平元年春正月山東州郡起兵以討董卓辛亥大赦天下癸

酉董卓殺弘農王白波賊寇東郡二月乙亥太尉黃琬司徒楊

彪免庚辰董卓殺城門校尉伍瓊督軍校尉周玠玠音必東觀記

史慎之子也續漢書魏志並作越音秘以光祿勳趙謙為太尉謝承書曰謙字彥信太尉

僕王允為司徒丁亥遷都長安董卓驅徙京師百姓悉西入關

自留屯畢圭苑壬辰白虹貫日三月乙巳車駕入長安幸未央

宮未央宮蕭何所造也張璠記曰將入己酉董卓焚洛陽官廟及人家

戊午董卓殺太傅袁隗太僕袁基夷其族隗紹之叔父基袁術之母

大夫种拂為司空大鴻臚韓融少府陰脩執金吾胡母班風俗

校尉王瓌安集關東後將軍袁術河內太守王匡各執而殺之

小錢光武中興除王莽冬十一月庚戌鎮星熒惑太白合於尾是

歲有司奏和安順桓四帝無功德不宜稱宗又恭懷敬隱恭愍

三皇后並非正嫡不合稱后皆請除尊號制曰可和帝號愍宗安帝

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

號恭宗順帝號敬

宗桓帝號威宗和帝尊母梁貴人曰恭懷皇后安帝尊

祖母宋貴人曰敬隱皇后順帝尊母李氏曰恭愍皇后 孫堅殺荊州刺史王

太守張咨

二年春正月辛丑大赦天下二月丁丑董卓自為太師袁術遣

將孫堅與董卓將胡軫戰於陽人

陽人聚名屬河南郡故城在今汝州梁縣西史記秦滅東周得其君於陽人聚地也軫軍大敗董卓遂發掘洛陽諸帝陵夏四月董卓入長安

六月丙戌地震秋七月司空种拂免光祿大夫濟南淳于嘉為

司空太尉趙謙罷太常馬日磾為太尉九月蚩尤旗見于角亢

天官書曰蚩尤之旗類彗而後曲象旗災滅之精也呂氏春秋云其色黃上白下見則王者征伐四方角亢蒼龍之星冬十月壬戌董卓

殺衛尉張温十一月青州黃巾寇太山太山太守應劭擊破之

黃巾轉寇渤海公孫瓚與戰於東光復大破之

東光今滄州縣是歲長沙有人死經月復活

三年春正月丁丑大赦天下袁術遣將孫堅攻劉表於襄陽堅

戰歿袁紹及公孫瓚戰于界橋

今貝州宗城縣東有古界城近枯漳水則界橋在此也瓚軍大

敗夏四月辛巳誅董卓夷三族司徒王允錄尚書事總朝政遣

使者張种撫慰山東青州黃巾擊殺兗州刺史劉岱於東平東

郡太守曹操大破黃巾於壽張降之五月丁酉大赦天下丁未

征西將軍皇甫嵩為車騎將軍董卓部曲將李傕郭汜樊稠張

濟等反攻京師六月戊午陷長安城太常种拂太僕魯旭大鴻

臚周奐

三輔決錄注曰奐字文明茂陵人城門校尉崔烈越騎校尉王頎並戰歿

所頎音吏民死者萬餘人李傕等並自為將軍己未大赦天下李

傕殺司隸校尉黃琬甲子殺司徒王允皆滅其族丙子前將軍

趙謙為司徒秋七月庚子太尉馬日磾為太傅錄尚書事八月

遣日磾及太僕趙岐持節慰撫天下車騎將軍皇甫嵩為太尉

司徒趙謙罷九月李傕自為車騎將軍郭汜後將軍樊稠右將

軍張濟鎮東將軍濟出屯弘農甲申司空淳于嘉為司徒光祿

大夫楊彪為司空。並錄尚書事。冬十二月。太尉皇甫嵩免。光祿大夫周忠為太尉。叅錄尚書事。

四年。春正月甲寅朔。日有食之。袁宏記曰。時未晡八刻。太史令王立奏曰。晷過度無變也。朝臣皆賀。帝令候焉。未晡一刻而食。買詔奏曰。立司候不明。疑誤上下。請付理官。帝曰。天道遠。事驗難明。欲歸咎史官。益重朕之不德也。丁卯。大赦天下。三月。

袁術殺揚州刺史陳溫。據淮南。長安宣平城門外屋自壞。三輔黃圖

曰。長安城東面北頭門也。夏五月癸酉。無雲而雷。六月。扶風大風。雨雹。華山崩裂。太尉周忠免。太僕朱雋為太尉。錄尚書事。下邳賊鬲宜。自稱天子。

風俗通曰。鬲姓也。承鬲黨童子。之後也。縱橫家有鬲子著書。雨水。遣侍御史裴茂。訊詔獄。原輕繫。六月辛丑。天狗西北行。前書音義曰。有聲為天狗。無聲為枉矢。九月甲午。試儒生四十餘人。上第賜位郎中。次太子舍人。下第者罷之。詔曰。孔子歎學之不講。講習也。論語之文。不講則所識日忘。今耆儒年踰六十。去離本土。營求糧資。不得專業。結童入學。白首空歸。長委農野。永絕榮望。朕甚愍焉。其依科罷者。聽為太子舍人。劉艾獻帝紀曰。時長安中為之謠曰。頭白皓然。

食不充糲。裹衣褰裳。當還故鄉。聖主愍念。悉用補郎。舍是布衣。被服玄黃。冬十月。太學行禮。車駕幸永福城門。臨觀其儀。賜博士以下各有差。辛丑。京師地震。有星孛于天市。袁宏紀曰。學于天市。將從天子移都。其後上東遷之應也。司空楊彪免。太常趙溫為司空。公孫瓚殺大司馬劉虞。十二月辛丑。地震。司空趙溫免。乙巳。衛尉張喜為司空。獻帝春秋曰。喜作嘉。是歲。琅邪王容薨。

興平元年。春正月辛酉。大赦天下。改元興平。甲子。帝加元服。二月壬午。追尊謚皇妣王氏為靈懷皇后。甲申。改葬于文昭陵。丁亥。帝耕于籍田。三月。韓遂馬騰與郭汜樊稠戰於長平觀。遂騰敗績。左中郎將劉範前益州刺史种劭戰歿。前書音義曰。長平。陂名也。上有觀在池陽宮南。去長安五十里。今涇水南原。駐城是也。袁宏紀曰。是時馬騰以李傕等專亂。以益州刺史劉焉宗室大臣。遣使招引。共誅傕焉。遣子範將兵就騰。故涼州刺史种劭。太常拂之子也。拂為傕所害。劭欲報仇。遂為此戰。夏六月丙子。分涼州河西四郡為雍州。謂金城。酒泉。燉煌。張掖。丁丑。地震。戊寅。又震。乙巳。晦。日有食之。帝避正殿。寢兵不聽事。五日。大蝗。秋七月壬子。太尉朱雋免。戊午。太常楊彪為太尉。

事五日。大蝗。秋七月壬子。太尉朱雋免。戊午。太常楊彪為太尉。

事五日。大蝗。秋七月壬子。太尉朱雋免。戊午。太常楊彪為太尉。

錄尚書事。三輔大旱。自四月至于。是月。帝避正殿。請雨。遣使者洗囚徒。原輕繫。洗謂湯也是歲。穀一斛五十萬。豆麥一斛二十萬。

人相食。啖白骨。委積。帝使侍御史侯汶出太倉米豆。為飢人作糜粥。經日而死者無數。帝疑賦郵有虛。乃親於御坐前量試作糜。乃知非實。袁宏紀曰。時勅侍中劉艾取米豆五升。於御前作糜。得滿三五。於是詔尚書曰。米豆五升得糜三五。而人委頓。何也。使侍

中劉艾出讓有司。於是尚書令以下。皆詣省閣謝。劉放曰。案閣當作問閣。門也。詰閣無。奏收侯汶考實。詔曰。未忍致汶于理。可杖五十。自是之後。多

得全濟。八月。馮翊羌叛。寇屬縣。郭汜變稠擊破之。九月。桑復生。棊。人得以食。司徒淳于嘉罷。冬十月。長安市門自壞。以衛尉趙

温為司徒。錄尚書事。十二月。分安定扶風為新平郡。是歲。揚州

刺史劉繇與袁術將孫策戰于曲阿。策字伯符。孫堅子。曲阿今潤州縣。繇軍敗績。

孫策遂據江東。吳志曰。孫策既破繇。遂度兵據會稽。策自領會稽太守。太傅馬日磾薨于壽春。

壽春縣名。屬九江郡。今壽春縣也。

二年。春正月癸丑。大赦天下。二月乙亥。李傕殺樊稠。而與郭汜

相攻。三月丙寅。李傕脅帝幸其營。焚宮室。夏四月甲午。立貴人

伏氏為皇后。丁酉。郭汜攻李傕。矢及御前。山陽公載記曰。時弓弩並發。矢下如雨。及御所止。高樓殿前。是日。李傕移帝幸北塢。服虔通俗文曰。營居曰塢。一曰庫城也。山陽

帝不肯從。強之乃行。大旱。五月壬午。李傕自為大司馬。六月庚午。

張濟自陝來和。惟汜。秋七月甲子。車駕東歸。郭汜自為車騎將

軍。楊定為後將軍。楊奉為興義將軍。董承為安集將軍。並侍送

乘輿。張濟為驃騎將軍。還屯陝。八月甲辰。幸新豐。冬十月戊戌。

郭汜使其將伍習夜燒所幸學舍。逼脅乘輿。楊定楊奉與郭汜

戰破之。壬寅。幸華陰。露次道南。是夜有赤氣貫紫宮。獻帝春秋曰。赤氣貫六尺。東至寅。西至戌也。張濟復反。與李傕郭汜合。十一月庚午。李傕郭汜等追

乘輿戰於東澗。王師敗績。殺光祿勳鄧泉。衛尉士孫瑞。廷尉宣

播。大長秋苗祀。獻帝春秋。播作瑤也。步兵校尉魏桀。侍中朱展。射聲校尉沮

後漢書紀卷九

帝

四

尺。東至寅。西至戌也。

獻帝春秋曰。赤氣貫六尺。東至寅。西至戌也。

獻帝春秋。播作瑤也。

山陽公載記曰。時弓弩並發。矢下如雨。及御所止。高樓殿前。是日。李傕移帝幸北塢。

服虔通俗文曰。營居曰塢。一曰庫城也。山陽公載記曰。時帝在南塢。惟在北塢。時流矢中帝。不肯從。強之乃行。

吳志曰。孫策既破繇。遂度兵據會稽。策自領會稽太守。

策字伯符。孫堅子。曲阿今潤州縣。

劉放曰。案閣當作問閣。門也。詰閣無。

袁宏紀曰。時勅侍中劉艾取米豆五升。於御前作糜。得滿三五。於是詔尚書曰。米豆五升得糜三五。而人委頓。何也。

山陽公載記曰。時弓弩並發。矢下如雨。及御所止。高樓殿前。是日。李傕移帝幸北塢。

服虔通俗文曰。營居曰塢。一曰庫城也。山陽公載記曰。時帝在南塢。惟在北塢。時流矢中帝。不肯從。強之乃行。

吳志曰。孫策既破繇。遂度兵據會稽。策自領會稽太守。

儁 風俗通曰沮姓也黃帝時史官沮誦之後昔側余反

壬申幸曹陽露次田中

曹陽澗名在今陝州西南七里俗謂之七里澗崔浩云自

南山北通於河

楊奉董承引白波帥胡才李樂韓暹及匈奴左賢

王去卑率師奉迎與李傕等戰破之十二月庚辰車駕乃進李

傕等復來追戰王師大敗殺略官人少府田芬大司農張義等

皆戰歿進幸陝夜度河乙亥幸安邑是歲袁紹遣將麴義與公

孫瓚戰於鮑丘鮑丘水名出北塞中南流經九莊嶺東俗謂之大榆河又東南經漁陽縣故城東是瓚之戰處見水經注瓚軍大

敗

建安元年春正月癸酉郊祀上帝於安邑大赦天下改元建安

二月韓暹攻衛將軍董承夏六月乙未幸聞喜秋七月甲子車

駕至洛陽幸故中常侍趙忠宅丁丑郊祀上帝大赦天下己卯

謁太廟八月辛丑幸南宮楊安殿癸卯安國將軍張楊為大司

馬韓暹為大將軍楊奉為車騎將軍是時宮室燒盡百官披荆

棘依牆壁閉州郡各擁彊兵而委輸不至群僚饑乏尙書郎以

下自出採稻稻音呂坤蒼曰稻自生也紹與稽同或饑死牆壁間或為兵士所殺辛亥

鎮東將軍曹操自領司隸校尉錄尙書事曹操殺侍中臺崇尙

書馮碩等風俗通曰金天氏裔孫曰臺貽其後氏焉山陽公載記曰案文多一曰字封衛將

軍董承為輔國將軍○劉放曰案文多一為字伏完等十三人為列侯贈沮

儁為弘農太守庚申遷都許己巳幸曹操營九月太尉楊彪司

空張喜罷冬十一月丙戌曹操自為司空行車騎將軍事百官

總己以聽

二年春袁術自稱天子三月袁紹自為大將軍夏五月蝗秋九

月漢水溢是歲飢江淮閒民相食袁術殺陳王寵孫策遣使奉

貢

三年夏四月遣謁者裴茂率中郎將段熲討李傕夷三族獻帝起居

注曰傳傕首到許有詔高懸之也呂布叛冬十一月盜殺大司馬張楊十二月癸

酉曹操擊呂布於徐州斬之

四年春三月袁紹攻公孫瓚于易京獲之

公孫瓚頻失利乃臨易河築京以自固故號易京其

城三重周回六里今內城中有土京在幽州歸義縣南爾雅曰絕高謂之京非人力為之也

衛將軍董承為車騎將軍

夏六月袁術死是歲初置尚書左右僕射武陵女子死十四日

復活續漢志曰女子李娥年六十餘死瘞於域中有行人聞冢中有聲告家人出之

五年春正月車騎將軍董承偏將軍王服越騎校尉种輯受密

詔誅曹操事洩壬午曹操殺董承等夷三族秋七月立公子馮

為南陽王壬午南陽王薨九月庚午朔日有食之詔三公舉至

孝二人九卿校尉郡國守相各一人皆上封事靡有所諱曹操

與袁紹戰於官渡裴松之北征記曰中牟臺下臨汴水是為官渡袁紹曹操壘尚存焉在今鄆州中牟縣北紹敗走冬

十月辛亥有星孛于大梁大梁西東海王祗薨是歲孫策死許

貢客所射傷弟權襲其餘業權字仲謀

六年春三月丁卯朔日有食之

七年夏五月庚戌袁紹薨于賓國獻馴象馴象謂隨人意也

是歲越巂

男子化為女子

八年冬十月己巳公卿初迎冬於北郊斯禮久廢故曰初總章始復備

八佾舞袁宏紀云迎氣北郊始用八佾佾列也謂舞者之行列往因亂廢今始備之總章樂官名古之安代樂初置司直官督

中都官司直秩比二千石武帝元狩五年置掌佐丞相舉不法也建武十一年省今復置之

九年秋八月戊寅曹操大破袁尙平冀州自領冀州牧冬十月

有星孛于東井十二月賜三公已下金帛各有差自是三年一

賜以為常制

十年春正月曹操破袁譚於青州斬之魏書曰操攻譚不剋乃自執桴鼓應時破之夏四

月黑山賊張燕率眾降魏志曰燕本姓褚常山真定人也黃巾起燕合眾少

為主故改姓張燕劉勇軍中號曰張飛燕眾至百萬號曰黑山城秋九月賜百官尤貧者金帛各有差

十一年春正月有星孛于北斗三月曹操破高幹於并州獲之

與論曰上洛都尉王琰敗之追斬其首秋七月武威太守張猛殺隴州刺史邯鄲商袁

漢紀曰隴州作涼州也是歲立故琅邪王容子熙為琅邪王齊北海阜陵下

邳常山甘陵濟陰平原八國皆除

十二年秋八月曹操大破烏桓於柳城斬其王蹋頓

蹋頓匈奴王號柳城縣名

屬遼西郡今營州縣

冬十月辛卯有星孛于鶉尾

鶉尾已之分

己巳黃巾賊殺濟

南王贇

河間孝王五代孫

十一月遼東太守公孫康殺袁尙袁熙

十三年春正月司徒趙溫免夏六月罷三公官置丞相御史大夫

癸巳曹操自爲丞相秋七月曹操南征劉表

八月丁未光祿勳郗慮爲御史大夫

續漢書曰慮字鴻豫山陽高平人也少受學於鄭玄

壬子曹操殺太中大夫孔融夷其族是月劉表卒少子琮立琮以荊州降操冬十月

癸未朔日有食之曹操以舟師伐孫權權將周瑜敗之於烏林

赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂等大敗關

西平

曹操傳曰時冀子伯說操曰今天寒可起沙爲城以水灌之可一夜而成公從之比明城立超遂數挑戰不利操縱虎騎夾擊大破之超遂走涼州是

歲趙王赦薨

十七年夏五月癸未誅衛尉馬騰夷三族六月庚寅晦日有食

之秋七月涓水潁水溢螟八月馬超破涼州殺刺史韋康九月

庚戌立皇子熙爲濟陰王懿爲山陽王邈爲濟北王敦爲東海

王山陽公載記曰時許靖在巴郡聞立諸王曰將欲歛之必姑張之將欲奪之必姑與之其孟德之謂乎

冬十二月星孛于五

諸侯

五諸侯星名也

十八年春正月庚寅復禹貢九州

獻帝春秋曰時省幽并州以其郡國并於冀州省司隸校尉及涼州以其

郡國并爲雍州省兖州并荊州益州於是兖豫青徐荆揚冀益雍也九數雖同而禹貢無益州有梁州然梁益亦一地也

夏五月丙申曹

操自立爲魏公加九錫

案禮合文嘉曰九錫謂一曰車馬二曰衣服三曰樂器四曰朱戶五曰納陛六曰虎賁七曰斧鉞

八曰弓矢九曰鉞

大雨水徙趙王珪爲博陵王是歲歲星鎮星熒惑俱入

太微

是年秋三星逆行入太微中帝坐五十日

十九年夏四月旱五月雨水劉備破劉璋據益州冬十月曹操

遣將夏侯淵討朱建于枹罕獲之枹罕縣屬金城郡今河州縣也魏志曰淵字妙才沛國譙人也十一月

月丁卯曹操殺皇后伏氏滅其族及二皇子山陽公載記曰劉備在蜀聞之遂發喪

二十年春正月甲子立貴人曹氏為皇后賜天下男子爵人一

級孝悌力田二級賜諸王侯公卿以下穀各有差秋七月曹操

破漢中張魯降

二十一年夏四月甲午曹操自進號魏王五月己亥朔日有食

之秋七月匈奴南單于來朝是歲曹操殺琅邪王熙國除坐謀欲渡

江被

二十二年夏六月丞相軍師華歆為御史大夫冬有星孛于東

北是歲大疫

二十三年春正月甲子少府耿紀丞相司直韋晃起兵誅曹操

不克夷三族三輔決錄曰時有京兆金祿字德偉自以代為漢臣乃發憤與耿紀韋晃欲挾天子以攻魏南援劉備事敗夷三族三月

有星孛于東方杜預注左傳云平旦衆星皆沒而孛星乃見故不言所在之次

二十四年春二月壬子晦日有食之夏五月劉備取漢中秋七

月庚子劉備自稱漢中王八月漢水溢冬十一月孫權取荊州

二十五年春正月庚子魏王曹操薨魏志曰操字孟德薨時年六十六子丕襲位

卯皇帝遜位於魏魏王丕稱天子遜讓也獻帝春秋曰帝時召群臣卿士告祠高廟詔太常張音持節奉策璽綬

禪位於魏王乃為壇於繁陽故城魏王登壇受皇帝璽綬帝為山陽公山陽縣名屬河內郡故城在今懷州脩武縣西北邑一萬

戶位在諸侯王上奏事不稱臣受詔不拜以天子車服郊祀天

地宗廟祖臘皆如漢制都山陽之濁鹿城濁鹿一名濁城亦名清陽城在今懷州脩武東北

四皇子封王者皆降為列侯明年劉備稱帝于蜀孫權亦自王

於吳於是天下遂三分矣魏青龍二年三月庚寅山陽公薨自

遜位至薨十有四年年五十四諡孝獻皇帝八月壬申以漢天

子禮儀葬于禪陵續漢書曰天子葬太僕駕四輪輅為賓車大練為屋轟中黃

腸選湊更房如禮大駕太僕御方相氏黃金四日蒙熊皮玄衣朱裳執戈揚楯立乘四

馬先驅旂長三仗十有二旒曳地晝日月升龍書鹿曰天子之柩謁者二人立乘六馬

為次太常跪哭日十五舉音止哭晝漏上請發司徒河南尹先引車轉太常日請拜送
車著白絲三糾統長二十丈圍七寸六行行五十八公卿以下子弟凡三百人皆素幘
委貌冠衣素裳挽核尉三百人皆赤幘不冠持幢幡皆銜枚羽林孤兒巴俞耀歌者六
十人為六列司馬八人替鐸至陵南茨門司徒跪請就下房都導東園武士奉入房執
事下明器太祝進醴獻司空將校復土燿音徒了反帝王紀曰禪陵在濁鹿城西北十
里在今懷州脩武縣北二十五里陵高二丈周回二百步劉澄之地記云以漢禪魏故
以名焉○劉攽曰注太常跪哭日十五置園邑令丞太子早卒孫康立五
舉音止案漢志日字作日在哭字上

十一年晉太康六年薨子瑾立四年太康十年薨子秋立二十
年永嘉中為胡賊所殺國除

論曰傳稱鼎之為器雖小而重故神之所寶不可奪移左氏傳王孫滿

曰築有昏德鼎遷於商商紂暴虐鼎遷於周德之休明雖至令負而趨者此亦

窮運之歸乎言神器至重被人負而趨走者斯亦窮盡之運歸於此時乎言不可

趨而味者不知天厭漢德久矣山陽其何誅焉厭倦誅責也漢自和帝以後政

之來也非獨山陽公之過其何所誅責乎左傳宋子魚曰天既厭商德

孔子曰於予予何誅○劉攽曰注於予予何誅案今論語下子當作與

贊曰獻生不辰身播國屯辰時也播遷也言獻帝生不逢時身既播遷終

我四百永作虞賓春秋孔演圖曰劉四百歲之際襄漢王輔皇王以期有名不

錄者故名不就也虞賓謂舜以堯子丹朱為賓商
書曰虞賓在位是也以喻山陽公為魏之賓也

後漢書帝紀第九

後漢書皇后紀第十上

宋 宣城太守范曄 撰

唐 章懷太子 賢 註

光武郭皇后 光烈陰皇后 明德馬皇后

章德竇皇后 和帝陰皇后 和熹鄧皇后

夏殷以上后妃之制其文略矣周禮王者立后鄭玄注禮記曰后之言後言在夫之後也

三夫人九嬪二十七世婦八十一女御以備內職焉后正位宮

闈同體天王夫人坐論婦禮鄭玄注周禮云夫人之於后猶三公之於王坐而論婦禮也九嬪掌

教四德九嬪比九卿周禮曰九嬪掌婦學之法以教九御也四德謂婦德婦言婦容婦功也世婦主喪祭賓客服

也明其能服事於人也比二十七大夫周禮世婦掌祭祀賓客喪紀之事祭之日澁陳女宮之具凡內羞之物掌用臨于卿大夫之喪女御序于王

之燕寢御謂進御于王也凡內羞之物掌用臨于卿大夫之喪頌官分務各有典司

女史彤管記功書過周禮云女史掌王后之禮書內令凡后之事以禮從也鄭玄注云亦如太史之於王也彤管赤管筆也詩云貽我彤

管注云古者后夫人必有女史彤管之法也居有保阿之訓動有環佩之響列女傳曰齊孝公孟姬華氏之女從

孝公遊車奔姬墮車碎孝公使駟馬立車載姬泣曰妾聞妃進賢才以輔佐

下堂必從傅母保阿進退則鳴玉佩環今立車無駟非敢受命

君子哀窈窕而不淫其色詩序云關雎樂得淑女以配君子憂在進賢不淫其色哀窈窕思賢才而無傷善之心毛萇注云窈窕幽也所以能述宣陰化修成內則六宮以婦職之法教九御閨房肅

雍險謁不行者也肅敬也雍和也謁請也言能輔佐君子和順恭敬不行私謁

私謁之心故康王晚朝關雎作諷前書音義曰后夫人雞鳴佩玉去君所周宣

后晏起姜氏請愆列女傳曰周宣姜后齊侯之女也宣王常夜臥晏起后夫人

罪惟君王之命王曰寡人之過夫人何辜遂勤政事成中興之名焉及周室東

遷禮序凋缺幽王時西夷犬戎兵攻殺幽王于驪山之下太子

制無章齊桓有如夫人者六人左傳曰桓公多內寵有如夫人者六人長

晉獻升戎女為元妃元妃嫡夫人也史記曰晉獻公伐驪戎得驪姬愛幸立以為妃

桓公六夫人生六子桓公卒立公子昭於是公子無虧公子元公

子潘公子商人公子雍等五公子皆求立公子昭奔宋是作亂也

也遺也屯難也晉獻公受驪姬之譖殺太子申生故曰遇屯爰逮戰國風憲逾薄適情任欲顛倒衣

裳上曰衣下曰裳詩曰綠兮衣兮綠衣黃裳鄭玄曰綠衣黑今反以黃為裏非其禮制論妾上僭也以至破國亡身不可

勝數斯固輕禮弛防先色後德者也秦并天下多自驕大官備

七國史記曰始皇破六國寫放其宮室作之咸陽北阪上南臨渭水殿屋復道周閣相屬所得諸侯美人以充入之并秦為七也爵列八品

前書曰漢興因秦之稱號正嫡稱皇后妾皆稱夫人又有美人良人八子七子長使少使之號漢興因循其號而婦制莫

釐大戴禮曰大臣坐污穢男女無別者不曰污穢曰帷高祖帷薄不修薄不修謂周昌入奏事高帝擁姬是不修也

孝文衽席無辨鄭玄注禮記曰衽臥席也孝文幸慎夫人每與皇后同坐是無辨也然而選納尚簡飾翫

少華自武元之後世增淫費至乃掖庭三千增級十四婕妤一姬二容華

三充衣四已上武帝置昭儀五元帝置美人六良人七七子八八子九長使十少使十

一五官十二順常十三舞涓共和娛靈保林良娣使夜者十四此六宮品秩同為一等

也妖幸毀政之符外姻亂邦之迹前史載之詳矣及光武中興

斷彫為朴彫謂刻鏤也史記曰漢興破觚而為圓斲形而為璞六官稱號唯皇后貴人鄭玄注周禮曰皇后

正寢一燕寢五是為六宮也夫人已下分居焉貴人金印紫綬奉不過粟數十斛又置美人

官人采女三等並無爵秩歲時賞賜充給而已漢法常因八月

筭人漢儀注曰八月初為筭賦故曰筭人遣中大夫與掖庭丞及相工於洛陽鄉中

閱視良家童女年十三以上二十以下姿色端麗合法相者載

還後宮。擇視可否。乃用登御。所以明慎聘納。詳求淑哲。明帝聿遵先旨。官教頗修。登建嬪后。必先令德。內無出閫之言。閫門限也。禮記曰。外

言不入於閫內。權無私溺之授。可謂矯其敝矣。向使因設外戚之禁。編著甲令。前書音義曰。甲令者。前帝第。一令也。有甲令乙令丙令。改正后妃之制。貽厥方來。

豈不休哉。雖御己有度。而防閑未篤。故孝章以下。漸用色授。恩隆好合。遂忘淄蠹。淄黑也。蠹食禾。蠹以諭傾敗也。自古雖主幼時艱。王家多釁。必

委成家宰。簡求忠賢。未有專任婦人。斷割重器。唯秦平太后始攝政事。平音亡。爾反。故穰侯權重於昭王。家富於嬴國。太后昭王母也。號宣太后。史記

曰。昭王立年少。宣太后自知事以同母弟魏冉為將軍任政。封為穰侯。太后攝政始於此也。漢仍其謬。知患莫改。東京皇統屢絕。權歸女主。外立者四帝。謂安質。桓靈。臨朝者六后。章帝質太

太后安思閻太后順烈梁太后。桓思質太后靈思何太后也。莫不定策帷帟。委事父兄。貪孩童以久其政。抑明賢以專其威。周禮。幕人掌幃帟幄幕之事。鄭玄注曰。帟幄中坐上承座也。殯帝崩。鄧太后與兄鸞等迎立安帝年十三。冲帝崩。梁太后與兄冀迎立質帝年八歲。質帝崩。太后與兄冀迎立桓帝年十五。桓帝崩。質太后與父武迎立靈帝年十三。任重道悠。利深

禍速。身犯霧露於雲臺之上。霧露謂疾病也。不可指言死。故假霧露以言之。靈帝時。中常侍曹節矯詔遷太后於雲臺宮。如有霧露之疾。陛下當河面目以見天下。家嬰縲絏於囹圄之下。縲。索也。縲。繫也。囹圄。周獄名也。鄉亭之獄。買誼曰。前車覆後

日。狂音五。且反。謂外戚等被誅也。湮滅連踵。傾軛繼路。踵。跡也。傾。車轍也。買誼曰。前車覆後車而赴蹈不息。燠爛為期。終於陵夷大運。淪亡神寶。陵夷。猶頹替也。神寶。帝位也。

詩書所歎。略同一揆。故考列行跡。以為皇后本紀。雖成敗事異。而同居正號者。並列于篇。其以私恩追尊。非當時所奉者。則隨

它事附出。謂安帝母左姬及祖母宋貴人之類。並見清河孝王傳。親屬別事。各依列傳。其餘無所見。則係之此紀。謂買貴人虞美人之類是也。以續西京外戚云爾。續。繼也。

郭皇后紀

光武郭皇后諱聖通。真定桑人也。真定。縣名。故城在今恒州真定縣西。為郡著姓。父

昌讓。田宅財產數百萬。與異母弟。國人義之。仕郡功曹。娶真定恭王女。號郭主。恭王名普景。帝七代孫。生后及子況。昌早卒。郭主雖王家

女。而好禮節儉。有母儀之德。更始二年春。光武擊王郎。至真定。

因納后有寵。及即位。以為貴人。建武元年。生皇子彊。帝善況小心謹慎。年始十六。拜黃門侍郎。二年。貴人立為皇后。彊為皇太子。封況綿蠻侯。以后弟貴重。賓客輻湊。況恭謙下士。頗得聲譽。十四年。遷城門校尉。其後后以寵稍衰。數懷怨對。十七年。遂廢為中山王太后。進后中子右翊公輔為中山王。以常山郡益中山國。徙封況大國為陽安侯。陽安縣屬汝南郡。故城在今豫州朝山縣故道國城是也。后從兄竟以騎都尉從征伐有功。封為新鄴侯。官至東海相。新鄴縣屬汝南郡。故城在今潁州汝陰縣西北鄆丘城是也。音七私反。竟弟匡為發干侯。發干縣屬東郡。故城在今博州堂邑縣西南。官至太中大夫。后叔父梁早終。無子。其壻南陽陳茂。以恩澤封南嶽侯。嶽音力全反。二十年。中山王輔復徙封沛王。后為沛太后。況遷大鴻臚。帝數幸其第。會公卿諸侯親家。飲燕賞賜。金錢縑帛。豐盛莫比。京師號況家為金穴。二十六年。后母郭主薨。帝臨喪送葬。百官大會。遣使者迎昌喪柩。與主合葬。追贈昌陽安侯印綬。謚曰思侯。

二十八年。后薨。葬于北芒。帝憐郭氏。詔況子璜尚消陽公主。除璜為郎。顯宗即位。況與帝舅陰識陰就並為特進。數授賞賜。放曰。案文授當作受。恩寵俱渥。禮待陰郭。每事必均。永平二年。況卒。贈賜甚厚。帝親自臨喪。謚曰節侯。子璜嗣。元和三年。肅宗北巡狩。過真定。會諸郭朝見。上壽。引入倡飲甚歡。說文曰。倡。樂也。聲類曰。併。以太牢具上郭主冢。賜粟萬斛。錢五十萬。永元初。璜為長樂少府。長樂少府掌二千石。居長信宮曰長信少府。長樂宮曰長樂少府。子舉為侍中。兼射聲校尉。及大將軍竇憲被誅。舉以憲女壻謀逆。故父子俱下獄死。家屬徙合浦。郡名。今廉州縣。宗族為郎吏者悉免官。新鄴侯竟初為騎將。前書曰。車戶騎將。屬光祿秩比千石。從征伐有功。拜東海相。永平中。卒。子嵩嗣。嵩卒。追坐染楚王英事。國廢。建初二年。章帝紹封嵩子勤為伊亭侯。勤無子。國除。發干侯匡官至太中大夫。建武三十年。卒。子勳嗣。勳卒。子駿嗣。永平十三年。亦坐楚王英事。失國。建初三年。復封駿為觀都侯。卒。無

子國除郭氏侯者凡三人皆絕國

論曰物之興衰情之起伏理有固然矣而崇替去來之甚者必

唯寵惑乎當其接牀第承恩色雖險情贅行莫不德焉說文曰贅

曰餘食贅行河上公注曰行之無當及至移意愛析嫌私雖惠心妍狀

愈獻醜焉愛升則天下不足容其高歡隊故九服無所逃其命

斯誠志士之所沉溺君人之所抑揚未或違之者也郭后以衰

離見貶悲怨成尤而猶恩加別館增寵黨戚至乎東海遼巡去

就以禮使後世不見隆薄進退之隙不亦光於古乎

陰皇后紀

光烈陰皇后諱麗華法曰執德遵業曰烈東觀記有陰子公者生子方方生

南陽新野人初光武適新野聞后美心悅之後至長安見執金

吾車騎甚盛因歎曰仕宦當作執金吾娶妻當得陰麗華更始

元年六月遂納后於宛當成里時年十九及光武為司隸校尉

方西之洛陽令后歸新野及鄧奉起兵后兄識為之將后隨家

屬徙清陽止於奉舍光武即位令侍中傅俊迎后與胡陽寧平

主諸官人俱到洛陽以后為貴人寧平縣屬淮陽故城在今亳州谷陽縣西南帝以后雅

性寬仁欲崇以尊位后固辭以郭氏有子終不肯當故遂立郭

皇后建武四年從征彭寵生顯宗於元氏九年有盜劫殺后母

鄧氏及弟音欣帝甚傷之乃詔大司空曰吾微賤之時娶於陰

氏因將兵征伐遂各別離幸得安全俱脫虎口莊子曰孔子見盜跖

於虎以貴人有母儀之美宜立為后而固辭弗敢當列於媵妾

爾雅曰媵送也孫炎曰送女曰媵朕嘉其義讓許封諸弟未及爵土而遭患逢禍

母子同命愍傷于懷小雅曰將恐將懼惟予與汝將安將樂汝

轉弄予谷風之詩風人之戒可不慎乎其追爵諡貴人父陸為宣恩

哀侯弟訢為宣義恭侯以弟就嗣哀侯後及尸柩在堂使太中

大夫拜授印綬如在國列侯禮魂而有靈嘉其寵榮十七年廢

皇后郭氏而立貴人制詔三公曰皇后懷執怨對數違教令不能撫循它子訓長異室宮闈之內若見鷹鷂爾雅曰宮中少門謂之闈既無關

睚之德而有呂霍之風豈可託以幼孤恭承明祀今遣大司徒

涉戴涉也宗正吉持節其上皇后璽綬陰貴人鄉里良家歸自微

賤公羊傳曰婦人謂嫁曰歸自我不見于今三年詩斷風東山之詞也宜奉宗廟為天下母

主者詳案舊典時上尊號異常之事非國休福不得上壽稱慶

后在位恭儉少嗜玩不喜笑譔性仁孝多矜慈七歲失父雖已

數十年言及未嘗不流涕帝見常歎息顯宗即位尊皇后為太

后永平三年冬帝從太后幸章陵置酒舊宅會陰鄧故人諸家

子孫並受賞賜七年崩在位二十四年年六十合葬原陵明帝

性孝愛追慕無已十七年正月當謁原陵夜夢先帝太后如平生

歡既寤悲不能寐即案歷明旦日吉遂率百官及故客上陵

其日降甘露於陵樹帝令百官采取以薦會畢帝從席前伏御

牀視太后鏡奩中物奩鏡匣也音廉感動悲涕令易脂澤裝具左右皆

泣莫能仰視焉

馬皇后紀

明德馬皇后諱某論法曰忠和純淑曰德諱某者史失其名下皆類此伏波將軍援之小女也

少喪父母兄客卿敏惠早夭母蘭夫人悲傷發疾恍惚后時年

十歲幹理家事勅制僮御幹正也廣雅曰僮御皆使者也內外諮稟事同成人初

諸家莫知者後聞之咸歎異焉后嘗久疾太夫人令筮之筮者

曰此女雖有患狀而當大貴兆不可言也後又呼相者使占諸

女見后大驚曰我必為此女稱臣然貴而少子若養他子者得

力乃當踰於所生初援征五溪蠻卒於師虎賁中郎將梁松黃

門侍郎竇固等因譖之由是家益失勢又數為權貴所侵侮后

從兄嚴不勝憂憤白太夫人絕竇氏婚求進女掖庭乃上書曰

臣叔父援孤恩不報孤負也而妻子特獲恩全戴仰陛下為天為

父。人情既得不死。便欲求福。竊聞太子諸王。妃匹未備。援有三女。大者十五。次者十四。小者十三。儀狀髮膚。上中以上。東觀記曰。明帝馬皇

后美髮為四起大髻。但以髮成。尚有餘繞髻三匝。肩不施黛。獨左肩角小缺。補之如粟。管稱疾而終。身得意。皆孝順小心。婉靜有禮。

願下相工簡其可否。如有萬一。援不朽於黃泉矣。又援姑姊。

妹。並為成帝婕妤。葬於延陵。臣嚴幸得蒙恩更生。冀因緣先姑。

當充後宮。由是選后入太子宮。時年十三。奉承陰后。傍接同列。

禮則修備。上下安之。遂見寵異。常居後堂。顯宗即位。以后為貴。

人。時后前母姊女賈氏。亦以選入生肅宗。帝以后無子。命令養。

之。謂曰。人未必當自生子。但患愛養不至耳。后於是盡心撫育。

勞悴過於所生。肅宗亦孝性惇篤。恩性天至。母子慈愛。始終無。

纖介之間。纖介猶微細也。開隙也。后常以皇嗣未廣。每懷憂歎。薦達左右。若。

恐不及。後宮有進見者。每加慰納。若數所寵引。輒增隆遇。永平。

三年春。有司奏立長秋宮。皇后所居宮也。長者久也。秋者萬物成熟之初也。故以名焉。請立皇后。不敢指言。故以宮稱之。

帝未有所言。皇太后曰。馬貴人德冠後宮。即其人也。遂立為皇

后。先是數日。夢有小飛蟲無數。赴著身。又入皮膚中。而後飛出。

既正位宮闈。愈自謙肅。身長七尺二寸。方口美髮。能誦易。好讀

春秋楚辭。尤善周官董仲舒書。周官周禮也。仲舒書玉杯。常衣大

練。裙不加緣。大練大帛也。杜預注左傳曰。大帛厚縵也。太后兄廖上書曰。今陛下躬服厚縵是也。朔望諸姬主朝。請

漢律。春日朝。秋日請。望見后袍衣疎繻。反以為綺縠。就視乃笑。后辭曰。此繒

特宜染色。故用之耳。六宮莫不歎息。帝嘗幸苑囿離宮。后輒以

風邪露霧為戒。辭意款備。多見詳擇。帝幸濯龍中。續漢志曰。濯龍園名也。近北宮。

並召諸才人。下邳王已下。皆在側。請呼皇后。帝笑曰。是家志不

好樂。雖來無歡。是以遊娛之事。希嘗從焉。十五年。帝案地圖。將

封皇子。悉半諸國。后見而言曰。諸子食數縣。於制不已儉乎。帝

曰。我子豈宜與先帝子等乎。歲給二十萬足矣。時楚獄連年不

斷。囚相證引。坐繫者甚眾。后慮其多濫。乘閒言及。惻然。帝感悟

之夜起彷徨為思所納思后所納之言卒多有所降宥時諸將奏事及

公卿較議難平者廣雅曰較明也帝數以試后后輒分解趣理各得其

情每於待執之際輒言及政事多所毗補而未嘗以家私干欲

寵敬日隆始終無衰及帝崩肅宗即位尊后曰皇太后諸貴人

當徙居南宮太后感析別之懷各賜王赤綬加安車駟馬白越

三千端白越越布雜帛二千匹黃金十斤自撰顯宗起居注削去兄

防參醫藥事帝請曰黃門舅且夕供養且一年既無褒異又不

錄勤勞無乃過乎太后曰吾不欲令後世聞先帝數親后宮之

家故不著也建初元年欲封爵諸舅太后不聽明年夏大旱言

事者以為不封外戚之故有司因此上奏宜依舊典漢制外戚以恩澤封侯故

曰舊典也太后詔曰凡言事者皆欲媚朕以要福耳昔王氏五侯同

日俱封成帝封太后弟王譚王商王立王根王逢時等同時為關內侯其時黃霧四塞不聞澍雨之應

又田蚡寶嬰寵貴橫恣傾覆之禍為世所傳田蚡景帝王皇后同母弟武安侯也為丞相貪

驕與淮南王霸上私語後魏武帝曰使武安侯在者族矣寶嬰文帝寶皇后從兄子魏其侯也為丞相坐與灌夫朋黨弄市也故先帝防慎舅

氏不令在樞機之位樞機近要之官也春秋運斗樞曰北斗第一天樞第二旋第三機也諸子之封裁令

半楚淮陽諸國常謂我子不當與先帝子等今有司奈何欲以

馬氏比陰氏乎吾為天下母而身服大練食不求甘左右但著

帛布無香薰之飾者欲身率下也以為外親見之當傷心自勸

但笑言太后素好儉前過濯龍門上見外家問起居者車如流

水馬如游龍蒼頭衣綠襦領袖正白構臂衣今之臂襦以縛左右手於事便也顧視御

者不及遠矣故不加譴怒但絕歲用而已莫以默愧其心而猶

懈怠無憂國忘家之慮知臣莫若君况親屬乎吾豈可上負先

帝之旨下虧先人之德重襲西京敗亡之禍哉固不許西京外戚呂祿呂產

寶嬰上官桀安父子霍禹等皆被誅帝省詔悲歎復重請曰漢興舅氏之封侯猶皇

子之為王也太后誠存謙虛柰何令臣獨不加恩三舅乎且衛

尉年尊兩校尉有大病衛尉太后兄廖兩校尉兄防兄光也如令不諱使臣長抱刻

後漢書紀卷十一

骨之恨。宜及吉時不可稽留。太后報曰。吾反覆念之。思令兩善。豈徒欲獲謙謙之名。而使帝受不外施之嫌哉。以恩澤封爵外家為外施也。昔

寶太后欲封王皇后之兄。寶太后文帝后也。王皇后景帝后也。兄即王信後封為蓋侯。丞相條侯言。

受高祖約。無軍功。非劉氏不侯。條侯周亞夫也。前書曰。高帝與功臣約。非劉氏不王。非有功不侯。不如約天下共擊之。今馬氏無功於國。豈得與陰郭中興之后等邪。常觀富貴之

家。祿位重疊。猶再實之木。其根必傷。文子曰。再實之木根必傷。掘藏之家後必殃也。且人

所以願封侯者。欲上奉祭祀。下求温飽耳。今祭祀則受四方之珍。衣食則蒙御府餘資。斯豈不足而必當得一縣乎。吾計之孰

矣。勿有疑也。夫至孝之行。安親為上。今數遭變異。穀價數倍。憂惶晝夜。不安坐臥。而欲先營外封。違慈母之拳拳乎。拳拳猶勤也。音權。

吾素剛急。有曾中氣。不可不順也。若陰陽調和。邊境清靜。然後行子之志。吾但當含飴弄孫。方言曰。飴。餈也。陳楚宋衛之間通語。不能復關政矣。時新

平主家御者失火。延及北閣後殿。太后以為己過。起居不歡。時當謁原陵。自引守備不愼。慙見陵園。遂不行。初太夫人葬起墳

微高。太后以為言。兄廖等即時減削。其外親有謙素義行者。輒假借温言。賞以財位。如有纖介。則先見嚴恪之色。然後加譴。其

美車服不軌。法度者。便絕屬籍。遣歸田里。廣平鉅鹿樂成王。車騎朴素。無金銀之飾。帝以白太后。太后即賜錢各五百萬。於是

內外從化。被服如一。諸家惶恐。倍於永平時。乃置織室。蠶於濯龍中。前書有東織西織屬少府。平帝改名織室。數往觀視。以為娛樂。常與帝旦夕言道政

事。及教授諸小王。論議經書。述敘平生。雍和終日。四年。天下豐稔。方垂無事。帝遂封三舅廖防光為列侯。並辭讓。願就關內侯。

太后聞之曰。聖人設教。各有其方。知人情性。莫能齊也。禮記王制曰。凡居人

材。必因天地寒暖燥濕。廣谷大川。異制。人居其間。異俗。修其教。不易其俗。齊其政。不易其宜。中國戎夷。五方之人。皆有性也。不可推移。吾少壯時。但

慕竹帛。志不顧命。言少慕古人書名。竹帛。不顧命之長短。今雖已老。而復戒之。在得

論語孔子曰。少之時。戒之在色。及其老也。戒之在得。得。得食。言彌復吝惜封爵。不欲濫封親戚也。故日夜惕厲。思自降損。

後漢書已卷十一

也。居不求安，食不念飽，冀乘此道，不負先帝。所以化導兄弟，共同斯志。欲令瞑目之日，無所復恨。何意老志復不從哉。萬年之日，長恨矣。廖等不得已，受封爵而退位歸第焉。太后其年寢疾，不信巫祝，小醫數勅絕禱祀。至六月崩，在位二十三年。年四十餘，合葬顯節陵。

賈貴人，南陽人，建武末，選入太子宮。中元二年，生肅宗，而顯宗以爲貴人。帝既爲太后所養，專以馬氏爲外家，故貴人不登極位。賈氏親族，無受寵榮者。及太后崩，乃策書加貴人王赤綬。書曰：諸侯王赤綬也。安車一駟，永巷宮人二百。永巷，宮中署名也，後改爲掖庭。永巷宮人即宮婢也。御府雜帛二萬匹，大司農黃金千斤，錢二十萬。

竇皇后紀

章德竇皇后，諱某，扶風平陵人。大司徒融之曾孫也。祖穆，父勳，坐事死。事在竇融傳。勳尙東海恭王彊女泚陽公主，后其長女。

也。家既廢壞，數呼相工問息耗。薛氏韓詩章句曰：耗，惡也。息耗猶言善惡也。見后者皆言。

當大尊貴，非臣妾容貌。年六歲能書，親家皆奇之。建初二年，后與女弟俱以選例入見長樂宮，進止有序，風容甚盛。肅宗先聞后有才色，數以訊諸姬傅。訊問也。傅，謂傅母。及見雅，以爲美。馬太后亦異焉。因入掖庭，見於北宮章德殿。后性敏給，傾心承接，稱譽日聞。明年，遂立爲皇后，妹爲貴人。七年，追爵謚后父勳爲安成思侯。

慶，梁貴人生和帝，后既無子，並疾忌之。數問於帝，漸致踈嫌。因誣宋貴人挾邪媚道，遂自殺。廢慶爲清河王，語在慶傳。梁貴人者，梁竦之女也。少失母，爲伯母舞陰長公主所養。長公主，光武女，梁松尙焉。年十六，建初二年，亦與中姊俱選入掖庭，爲貴人。四年，生和帝。后

養爲己子，欲專名外家，而忌梁氏。八年，乃作飛書以陷竦。飛書，若書也。竦，坐誅。貴人姊妹以憂卒。自是官房慄息。慄，懼也。音牒。周書曰：臨捕以威而氣慄懼也。

后愛日隆。及帝崩。和帝即位。尊后為皇太后。皇太后臨朝。尊母
 泚陽公主為長公主。益湯沐邑三千戶。兄憲弟篤景並顯貴。擅
 威權。後遂密謀不軌。永元四年。發覺被誅。九年。太后崩。未及葬。
 而梁貴人姊嬖音一。上書陳貴人枉歿之狀。太尉張酺司徒劉
 方司空張奮上奏。依光武黜呂太后故事。中元元年。黜呂后。不宜配食高廟。貶太
 后尊號。不宜合葬先帝。百官亦多上言者。帝手詔曰。寶氏雖不
 遵法度。而太后常自減損。朕奉事十年。深惟大義。禮臣子無貶
 尊上之文。恩不忍離。義不忍虧。案前世上官太后亦無降黜。官上
 太后昭帝后也。父安與燕王謀反。誅太后以年少。又霍光外孫。故不廢也。
 八年。帝以貴人酷歿。斂葬禮闕。乃改殯於承光宮。上尊諡曰恭
 懷皇后。諡法曰。敬事尊上曰恭。慈仁哲行曰懷。追服喪制。百官縞素。與姊大貴人俱
 葬西陵。儀比敬園。敬園。安帝祖母宋貴人之園也。

陰皇后紀

和帝陰皇后諱某。光烈皇后兄執金吾識之曾孫。后少聰慧。善
 書藝。永元四年。選入掖庭。以先后近屬。故得為貴人。有殊寵。八
 年。遂立為皇后。自和熹鄧后入宮。熹音許其反。愛寵稍衰。數有恚恨。
 后外祖母鄧朱。出入宮掖。十四年夏。有言后與朱共挾巫蠱道。
 巫師為蠱。故曰巫蠱。左傳注曰。蠱惑也。事發覺。帝遂使中常侍張慎與尚書陳褒。於掖
 庭獄雜考案之。朱及二子奉毅與后弟軼輔敞。辭語相連。及以
 為祠祭祀詛。大逆無道。奉毅輔考死獄中。帝使司徒魯恭持節
 賜后策。上璽綬。遷于桐宮。以憂死。立七年。葬臨平亭部。葬于亭部內之地也。
 父特進綱自殺。軼敞及朱家屬。徙日南比景縣。宗親內外昆弟。
 皆免官。還田里。永初四年。鄧太后詔赦陰氏徙者。歸故郡。還其
 資財五百餘萬。

鄧皇后紀

和熹鄧皇后諱綏。蔡邕曰。諡法有功安人曰熹。太傅禹之孫也。父訓。護羌校尉。

母陰氏。光烈皇后從弟女也。后年五歲。太傅夫人愛之。自為剪髮。夫人年高目冥。誤傷后額。忍痛不言。左右見者。怪而問之。后曰。非不痛也。夫人哀憐為斷髮。難傷老人意。故忍之耳。六歲能

史書。史書周宣王太史籀所作。大篆十五篇也。前書曰。教學童之書也。十二通詩論語。諸兄每讀經

傳。輒下意難問。下意猶出氣也。志在典籍。不問居家之事。母常非之曰。

汝不習女工。以供衣服。乃更務學。寧當舉博士邪。后重違母言。

畫修婦業。暮誦經典。家人號曰諸生。父訓異之。事無大小。輒與

詳議。永元四年。當以選入。會訓卒。后晝夜號泣。終三年不食鹽

菜。憔悴毀容。親人不識之。后嘗夢捫天。捫摸也。蕩蕩正青。若有鍾

乳狀。乃仰嗽飲之。以訊諸占夢。言堯夢攀天而上。湯夢及天而

唔之。唔音是。斯皆聖王之前占。吉不可言。又相者見后。驚曰。此成

湯之法也。續漢書曰。相者待詔相工。蘇文曰。此成湯之骨法。家人竊喜。而不敢宣。后叔父陔

言。常聞活千人者。子孫有封。兄訓為謁者。使修石白河。歲活數

千人。天道可信。家必蒙福。初太傅禹歎曰。吾將百萬之眾。未嘗

妄殺一人。其後世必有興者。七年。后復與諸家子俱選入宮。后

長七尺二寸。姿顏姝麗。姝美色也。詩曰。彼姝者子。絕異於眾。左右皆驚。八年冬。

入掖庭。為貴人。時年十六。恭肅小心。動有法度。承事陰后。夙夜

戰兢。接撫同列。常克己以下之。雖宮人隸役。皆加恩借。帝深嘉

焉。及后有疾。特令后母兄弟入親醫藥。不限以日數。后言於帝

曰。官禁至重。而使外舍久在內省。外舍外家。上令陛下有幸私之譏。

下使賤妾獲不知足之謗。上下交損。誠不願也。帝曰。人皆以數

入為榮。貴人反以為憂。深自抑損。誠難及也。每有讌會。諸姬貴

人競自修整。簪珥光采。袿裳鮮明。說文。簪笄也。珥瑱也。以玉充耳。釋名曰。婦人上服曰袿。而后獨

省素。裝服無飾。其衣有與陰后同色者。即時解易。若並時進見。

則不敢正坐。離立同行。則僂身自卑。離並也。禮記曰。離坐離立。無往參焉。帝每有所問。

常逡巡後對。不敢先陰后言。帝知后勞心曲體。歎曰。修德之勞。

乃如是乎。後陰后漸踈。每當御見。輒辭以疾。時帝數失皇子。后憂繼嗣不廣。數選進才人。以博帝意。陰后見后德稱日盛。不知所為。遂造祝詛。欲以為害。帝嘗寢病危甚。陰后密言。我得意。不令鄧氏復有遺類。后聞。乃對左右流涕。言曰。我竭誠盡心。以事皇后。竟不為所祐。而當獲罪於天。婦人雖無從死之義。然周公身請武王之命。武王有疾。周公為之請命於天。王曰。若爾三王有丕子之責于天。以且代某之身也。越姬心誓。必死之分。越姬楚昭王之姬。越王句踐女也。昭王燕遊。越姬從。謂姬曰。樂乎。對曰。樂。敢聞命。後王病。有赤雲夾日。如飛鳥。王問周太史。史曰。是害王身。請移於將相。王曰。將相於孤。股肱也。不聽。姬曰。大哉。君王之德。妾請從王死矣。昔日遊樂。是以不敢聽命。今君王復禮。國人為君王死。何況妾乎。妾願先驅。狐狸於地下。昔日口雖不言。心許之矣。妾聞信者。不負其心。遂自殺。故曰。心誓。事見列女傳也。上以報帝之恩。中以解宗族之禍。下不令陰氏有人豕之譏。高帝愛幸戚夫人。帝崩。呂太后斷夫人手足。去眼。薰耳。使居鞠室。中名曰人彘也。即欲飲藥。官人趙玉者固禁之。因詐言屬有使來。上疾已愈。后信以為然。乃止。明日帝果瘳。十四年夏。陰后以巫蠱事廢。后請救不能得。帝便屬意焉。后愈稱篤疾。深

自閉絕。會有司奏。建長秋宮。帝曰。皇后之尊。與朕同體。承宗廟。母天下。豈易哉。唯鄧貴人德冠後庭。乃可當之。至冬。立為皇后。辭讓者三。然後即位。手書表謝。深陳德薄。不足以充小君之選。是時方國貢獻競求珍麗之物。自后即位。悉令禁絕。歲時但供紙墨而已。帝每欲官爵鄧氏。后輒哀請謙讓。故兄鶯終帝世。不過虎賁中郎將。元興元年。帝崩。長子平原王有疾。而諸皇子夭沒前後十數。後生者輒隱祕。養於人間。殤帝生始百日。后乃迎立之。尊后為皇太后。太后臨朝。和帝葬後。官人並歸園。太后賜周馥貴人策曰。朕與貴人託配後庭。共歡等列。十有餘年。不獲福祐。先帝早棄天下。孤心煢煢。煢煢。孤特之貌也。詩曰。煢煢在疚。靡所瞻仰。夙夜永懷。感愴發中。今當以舊典分歸外園。慘結增歎。燕燕之詩。曷能喻焉。詩。邶。鄘。序曰。衛莊姜送歸妾也。其詩曰。燕燕于飛。差池其羽。之子于歸。遠送于野。瞻望弗及。泣涕如雨。其賜貴人王青蓋車采飾輅駟馬各一駟。黃金三十斤。雜帛三千匹。白越四千

端。又賜馮貴人王赤綬。以未有步搖環珮。加賜各一具。周禮王后首服為副

所以副首為飾。若今步搖也。釋名曰。皇后首副。其上有垂珠步則搖也。是時新遭大憂。法禁未設。官中亡

大珠一篋。太后念欲考問。必有不辜。乃親閱官人。觀察顏色。即

時首服。又和帝幸人吉成。御者共枉吉成。以巫蠱事。遂下掖庭

考訊。辭證明白。太后以先帝左右待之有恩。平日尙無惡言。今

反若此。不合人情。更自呼見實覈。果御者所為。莫不歎服。以為

聖明。常以鬼神難徵。淫祀無福。乃詔有司罷諸祠官。不合典禮

者。又詔赦除建武以來諸犯妖惡。及馬竇家屬所被禁錮者。皆

復之為平人。減大官導官尚方內者服御珍膳靡麗難成之物。

漢官儀曰。大官主膳羞也。前書音義曰。導官主導擇米以供祭祀。尚方掌工作刀劍諸物及刻玉為器。漢官儀曰。內者主帷帳。並署名也。自非供陵廟

稻梁米。不得導擇。朝夕一肉飯而已。舊大官湯官經用。歲且二

萬萬。經常也。太后勅止日殺。省珍費。自是裁數千萬。及郡國所貢

皆減其過半。悉斥賣上林鷹犬。其蜀漢釵器九帶佩刀。並不復

調。蜀廣漢主金銀器。各用五百萬。是也。釵音口。以金銀緣器也。止畫工三十九

種。又御府尚方織室錦繡冰紈綺縠金銀珠玉犀象瑋瑁彫鏤

翫弄之物。皆絕不作。離宮別館儲峙米糒薪炭。悉令省之。諸時猶蓄積也。

糒乾飯也。又詔諸園貴人。其官人有宗室同族。若羸老不任使者。令

園監實覈上名。自御北宮增喜觀閱。問之。恣其去留。即日免遣

者五六百人。及殤帝崩。太后定策立安帝。猶臨朝政。以連遭大

憂。百姓苦役。大憂謂和帝殤帝崩。殤帝康陵方中祕藏。方中陵中也。家藏之中故言祕也。及諸工

作。事事減約。十分居一。詔告司隸校尉河南尹南陽太守曰。每

覽前代外戚賓客。假借威權。輕薄認詞。言忽遽也。認音七洞反。詞音洞。至有濁亂

奉公。為人患苦。咎在執法怠懈。不輒行其罰。故也。今車騎將軍

鶩等雖懷敬順之志。而宗門廣大。姻戚不少。賓客姦猾。多干禁

憲。干犯也。其明加檢勅。勿相容護。自是親屬犯罪。無所假貸。太后

愍陰氏之罪廢。赦其徙者歸鄉。勅還資財五百餘萬。永初元年

爵號太夫人為新野君。萬戶供湯沐邑。湯沐者取其賦稅以供湯沐之具也。二年夏

京師旱。親幸洛陽寺。錄冤獄。有囚實不殺人。而被考自誣。羸困

興見。畏吏不敢言。將去。舉頭若欲自訴。太后察視覺之。即呼還

問狀。具得枉實。即時收洛陽令。下獄抵罪。行未還宮。樹雨大降。

三年秋。太后體不安。左右憂惶禱請。祝辭願得代命。太后聞之。

即譴怒。竊勅掖庭令以下。但使謝過祈福。不得妄生不祥之言。

舊事歲終當饗遣衛士。舊事衛士得代歸者。上親饗焉。前書蓋寬大難逐。

疫。禮記月令有大難。旁磔土牛。以送寒氣。鄭玄注云。饑陰氣也。此月之中太后以

陰陽不和。軍旅數興。詔饗會勿設戲作樂。減逐疫。偃子之半。子

逐疫之人也。音振。薛綜注。西京賦云。偃之言善也。善童幼子也。續漢書曰。大難

象橐駝之屬。豐年復故。太后自入宮掖。從曹大家受經書。兼天

文筭數。晝省王政。夜則誦讀。而患其謬誤。懼乖典章。乃博選諸

儒劉珍等。及博士議郎四府掾史五十餘人。詣東觀。讎校傳記

也。傳記事畢。奏御。賜葛布各有差。又詔中官近臣。於東觀受讀經

傳。以教授官人。左右習誦。朝夕濟濟。及新野君薨。太后自侍疾

病。至乎終盡。憂哀毀損。事加於常。贈以長公主赤綬。東園祕器

玉衣繡衾。東園署名。屬少府主。作凶器。故言祕也。又賜布三萬匹。錢三十萬。鷹等固

讓錢布不受。使司空持節護喪事。儀比東海恭王。諡曰敬君。太

后諒闇。既終。諒。闇居喪之廬也。或為諒陰。諒七年正月初。入太廟齋七

日。賜公卿百僚各有差。庚戌。謁宗廟。率命婦群妾相禮儀。相助

禮曰。命夫者。男子之為大。與皇帝交獻親薦。成禮而還。周禮。宗廟祭之

夫也。命婦者。大夫之妻也。而。入立於阼。后服副。從王而入。王以圭瓚酌。爵以獻尸。此謂交獻也。卒事。凡九獻焉。因下詔曰。凡供薦

新味。多非其節。或爵養強熟。或穿掘萌芽。味無所至。而夭折生

長。豈所以順時育物乎。傳曰。非其時不食。論語曰。不時不食。言非其時

不時之物。有傷於人。不宜以奉供養。自今當奉祠陵廟。及給御者。皆須時乃上。凡所

省二十三種。自太后臨朝。水旱十載。四夷外侵。盜賊內起。每聞

人飢或達旦不寐而躬自減徹以救灾阨故天下復平歲還豐穰元初五年平望侯劉毅平望縣屬北海郡今青州北海縣西北平望臺是也一名望海臺也以太后多

德政欲令早有注記上書安帝曰臣聞易載義農而皇德著易辭曰古者包羲氏之王天下仰觀法於天俯觀法於地於是始畫八卦以通神明之德以類萬物之情包羲氏沒神農氏作斲木為耜揉木為耒耜之利以教天下伏羲神農為三皇故書述唐虞而帝道崇故雖聖明必書功於竹帛流音

於管絃竹謂簡冊帛謂練素黃帝以下六代樂音所以章顯功德是流音於管絃伏惟皇太后膺大聖之姿體乾坤之德易曰聖人與天地合其德齊蹤虞妃比跡任姒虞妃即舜妻娥皇女英也任文王母妣武王母

也孝悌慈仁允恭節約杜絕奢盈之源防抑逸欲之兆正位內朝流化四海易家人卦曰女正位乎內正家而天下定矣禮記曰東夷西戎南蠻北狄謂之四海及元興延平之際

國無儲副仰觀乾象參之人譽援立陛下為天下主永安漢室綏靜四海又遭水潦東州飢荒延平元年安帝初即位六州大水永初元年稟司隸兗豫徐冀并六州貧人也

垂恩元元冠蓋交路菲薄衣食躬率群下捐膳解驂以贍黎苗廣雅云苗衆也惻隱之恩猶視赤子隱痛也尚書曰若保赤子惟人其康父也克己引愆顯揚仄

陋崇晏晏之政尚書考靈耀曰文基晏晏敷在寬之教敷布也尚書曰五教在寬興滅國繼絕世錄功臣復宗室追還徙人蠲除禁錮政非惠和不圖於心

制非舊典不訪於朝弘德洋溢充塞宇宙洋溢言多洪澤豐沛漫衍八方華夏樂化戎狄混并丕功著於大漢碩惠加於生人巍巍

之業可聞而不可及蕩蕩之勳可誦而不可名古之帝王左右置史禮記玉藻曰動則左史書之言則右史書之漢之舊典世有注記夫道有夷崇治

有進退若善政不述細異輒書是為堯湯負洪水大旱之責而無咸熙假天下之美咸皆也照廣也尚書曰庶績咸熙言堯之朝政衆功皆廣假音格至也尚書曰祐我烈祖格于皇天言伊尹佐

湯功至於天也堯洪高宗成王有雉雊迅風之變而無中興康寧之功也高宗殷王也祖乙之子名武丁當祭成湯有飛雉升鼎耳而雊高宗修德殷道中興成王疑周公乃有雷電大風之變成王改過幾刑措也上考

詩書有虞二妃周室三母尚書曰釐降二女子于嫪嬪于虞三母謂后稷母姜嫄文王母太任武王母太姒也詩大雅曰厥初生民時維姜嫄又曰太任有身生此文王又曰太姒嗣徽音則百斯男也修行佐德詩云既有烈考亦有文母是佐德也○劉放曰注案今詩皆作

不當作有也思不踰闕闕門限也左傳曰婦人送闕不出門見兄弟不踰闕未有內遭家難外

遇灾害覽總大麓經營天物

麓錄也言大錄萬機之政書曰納於大麓又曰暴殄天物也

功德巍巍

若茲者也宜令史官著長樂宮注聖德頌以敷宣景耀勅勳

金石縣之日月

易曰懸象著明莫大乎日月

據之罔極以崇陛下烝烝之孝帝

從之廣雅曰烝烝猶進也

六年太后詔徵和帝弟濟北河間王

子男女年五歲以上四十餘人又鄧氏近親子孫三十餘人並

為開邸第蒼頡篇曰邸舍也教學經書躬自監試尚幼者使置師保朝夕

入宮撫存詔導恩愛甚渥詔告也乃詔從兄河南尹豹越騎校尉

康等曰吾所以引納群子置之學官者實以方今承百王之敝

時俗淺薄巧偽滋生五經衰缺不有化導將遂陵遲故欲褒崇

聖道以匡失俗傳不云乎飽食終日無所用心難矣哉

論語孔子言也言人

終日飽食不措心於道義難矣哉言終無遠大也

今末世貴戚食祿之家溫衣美飯乘堅驅

良堅謂好車良謂善馬也墨子曰聖主為衣服之法堅車良馬不知貴也

而面牆術學不識臧否尚書曰弗

學牆面也

斯故禍敗所從來也永平中四姓小侯皆令入學小侯解見明紀

所以

矯俗厲薄反之忠孝先公既以武功書之竹帛兼以文德教化

子孫先公謂鄧禹禹有子十三人各使守一藝故曰文德也

故能束脩不觸羅網

言能自約束修整也

誠令

兒曹上述祖考休烈下念詔書本意則足矣其勉之哉康以太

后久臨朝政心懷畏懼託病不朝太后使內人間之時宮婢出

入多能有所毀譽其者宿者皆稱中大人所使者乃康家先婢

亦自通中大人康聞語之曰汝我家出爾敢爾邪婢怒還說康

詐疾而言不遜太后遂免康官遣歸國絕屬籍永寧二年二月

寢病漸篤乃乘輦於前殿見侍中尚書因北至太子新所繕宮

還大赦天下賜諸園貴人王主群僚錢布各有差詔曰朕以無

德託母天下而薄祐不天早離大憂延平之際海內無主元元

屣運危於累卵

說苑曰晉靈公驕奢造九層之臺國困人貧恥功不成令曰左

加九雞子其上公曰危哉息曰復有危於此者公為九層之臺

男女不得耕織社稷一滅君何所望君曰寡人之過乃壞臺焉

勤勤苦心不敢

以萬乘為樂上欲不欺天愧先帝下不違人負宿心誠在濟度

百姓以安劉氏自謂感徹天地當蒙福祚而喪禍內外傷痛不

絕內外謂新野君薨及和殤二帝崩也頃以廢病沉滯久不得侍祠自力上原陵加

效逆唾血遂至不解存亡大分無可奈何公卿百官其勉盡忠

恪以輔朝廷三月崩在位二十年年四十一合葬順陵

論曰鄧后稱制終身號令自出術謝前政之良身闕明辟之義

前政謂周公也辟君也尙書曰朕復子明辟言周公攝位復還成王今太后不還故曰闕也至使嗣主側目歛衽於虛

器器謂神器直生懷懣懸書於象魏象魏闕也直生杜根等上書請太后還政借之儀

者殆其惑哉借猶假也殆近也言太后不還政於安帝近可惑也然而建光之後王柄有歸后

建光之中崩歸政安帝遂乃名賢戮辱便孽黨進帝寵用乳母王聖及其女伯榮出入宮掖通傳姦賂太尉楊震及鄧騭等

皆被中官衰斃之來茲焉有徵徵敗也安帝臨政衰敗逾甚故曰有徵也故知持權引謗所

幸者非己焦心郵患自強者唯國言執持朝權以招衆謗者所幸不為己身唯憂國也是以班

母一說闔門辭事太后兄大將軍騭以母愛上書乞身太后不許以問班昭乃許之語見昭傳也愛姪微愆髡

別謝罪太后兄騭子鳳受遺事洩騭遂髡髮妻及鳳以謝天下語見騭傳將杜根逢誅未值其誠乎誠信也言未為

太后但蹊田之牛奪之已甚左傳申叔時曰牽牛以蹊人之田而奪之牛牽牛以蹊者信有罪矣而奪之牛罰已重矣此喻

杜根上書雖曰有罪太后殺之為過甚也

後漢書皇后紀第十上

後漢書皇后紀第十下

宋 宣城太守范曄 撰

唐 章懷太子 賢 註

安思閻皇后 順烈梁皇后 孝崇匿皇后

桓帝懿獻梁皇后 孝桓鄧皇后

桓思竇皇后 孝仁董皇后 孝靈宋皇后

靈思何皇后 獻帝伏皇后 獻穆曹皇后

安思閻皇后諱姬諡法曰謀慮不愆曰思河南滎陽人也。祖父章永平中為

尚書。以二妹為貴人。章精力曉舊典。久次當遷以重職。顯宗為

後宮親屬竟不用。出為步兵校尉漢官儀曰比二千石掌宿衛兵屬北軍中候也。章生暢。暢

生后。后有才色。元初元年。以選入掖庭。甚見寵愛。為貴人。二年

立為皇后。后專房妬忌。帝幸宮人李氏。生皇子保。遂鴆殺李氏。

鴆毒鳥也。食蜩。以其羽畫酒中。飲之立死。三年。以后父侍中暢為長水校尉。封北宜春侯。

後漢書紀卷十一
食邑五千戶。四年。暢卒。謚曰文侯。

子顯嗣。建光元年。鄧太后崩。帝始親政事。顯及弟景耀。晏並為

卿校典禁兵。延光元年。更封顯長社縣侯。長社縣屬潁川郡。前書音義曰。其社中樹暴長。故名長社。

今許州縣。食邑萬三千五百戶。追尊后母宗為榮陽君。續漢志曰。婦人封君。儀比公主。

如其綬色黃金辟邪加其首為帶。顯景諸子年皆童。亂。大戴禮曰。男八歲而齒。女七歲而齒。亂。齒初刃反。

並為黃門侍郎。后寵既盛。而兄弟頗與朝權。后遂與大

長秋江京。中常侍樊豐等共譖皇太子保。廢為濟陰王。四年春。

后從帝幸章陵。帝道疾崩於葉縣。后顯兄弟及江京樊豐等謀

日。今晏駕道次。晏晚也。臣下不敢斥言。帝崩猶言晚駕而出。濟陰王在內。邂逅公卿立

之。還為大害。乃偽云。帝疾甚。徙御臥車。行四日。驅馳還宮。明日

詐遣司徒劉喜詣郊廟社稷。告天請命。其夕乃發喪。尊后曰皇

太后。皇太后臨朝。蔡邕獨斷曰。少帝即位。太后即代攝政。臨前殿。朝群臣。太后東西面。少帝西面。群臣奏事。上書皆為兩通。一詣后。一詣少帝。

以顯為車騎將軍儀同三司。太后欲久專國政。貪立幼年。與顯

等定策禁中。迎濟北惠王子北鄉侯懿。惠王名壽。章帝子也。立為皇帝。顯

忌大將軍耿寶。耿弇之弟。舒之孫。位尊權重。威行前朝。乃風有司奏寶及

其黨與中常侍樊豐。虎賁中郎將謝暉。暉弟侍中篤。篤弟大將

軍長史宓。善文曰。暉字伯周。宓字仲周。篤字季周。侍中周廣。阿母野王君王聖。聖女

永。永壻黃門侍郎樊巖等。更相阿黨。互作威福。探刺禁省。更為

唱和。皆大不道。豐暉廣皆下獄死。家屬徙比景。比景縣名。屬日南郡。前書音義曰。日居於

頭上。日景在己下。故名之。宓嚴滅死髡鉗。貶寶為則亭侯。遣就國。自殺。王聖母

子徙鴈門。於是景為衛尉。耀城門校尉。晏執金吾。兄弟權要。威

福自由。少帝立二百餘日而疾篤。顯兄弟及江京等皆在左右。

京引顯屏語曰。北鄉侯病不解。國嗣宜時有定。前不用濟陰王。

今若立之。後必當怨人。何不早徵諸王子。簡所置乎。顯以為然。

及少帝薨。京白太后徵濟北河間王子。未至。而中黃門孫程。合

謀殺江京等。立濟陰王。是為順帝。顯景晏及黨與皆伏誅。遷太

後漢書紀卷十一

後漢書紀卷十一

後漢書紀卷十一

後漢書紀卷十一

後漢書紀卷十一

后於離宮。家屬徙比景。明年太后崩。在位十二年。合葬恭陵。帝母李氏。瘞在洛陽城北。帝初不知。莫敢以聞。及太后崩。左右白之。帝感悟發哀。親到瘞所。更以禮殯。上尊諡曰恭愍皇后。葬恭北陵。為策書金匱藏于世祖廟。在恭陵之北。因以為名。漢官儀曰。置陵園令食監各一人。秩皆六百石。金匱藏之以

梁皇后紀

順烈梁皇后諱炳。諡法曰。執德尊業曰烈。聲類曰。炳。炳娶也。音納。大將軍商之女。恭懷皇后弟之孫也。后生有光景之祥。少善女工。好史書。九歲能誦論語。治韓詩。韓嬰所傳詩也。大義略舉。常以列女圖畫置於左右。以自監戒。劉向撰列女傳。八篇圖畫其象。父商深異之。竊謂諸弟曰。我先人全濟河西。所活者不可勝數。商曾祖統。更始二年。補中郎將。酒泉太守。使安集涼州。時西河擾亂。衆議以統素有威信。乃推統與寶融共完全五郡。雖大位不究。而積德必報。若慶流子孫者。儻與此女乎。永建三年。與姑俱選入掖庭。時年十三。相工茅通見后。驚再拜賀曰。此所謂

日角偃月。相之極貴。臣所未嘗見也。太史卜兆得壽房。又筮得

坤之比。易坤卦六五爻。變而之比九五。象曰。顯比之吉。位正中也。九五居得其位。下應於上。故吉。遂以為貴人。常特被

引御。從容辭於帝曰。夫陽以博施為德。陰以不專為義。螽斯則

百福之所由興也。詩國風序曰。言后妃若螽斯。不妬忌。則子孫衆多也。詩大雅曰。太妃嗣徽音。則百斯男也。願陛下思

雲雨之均澤。識貫魚之次序。易曰。雲行雨施。品物流形。剝卦曰。貫魚以宮。在下。駢頭相次。似貫魚也。使小妾得免罪謗之累。由是帝加敬焉。陽嘉元年春。

有司奏立長秋宮。以乘氏侯商先帝外戚。商祖姑。章帝貴人生和帝也。春秋之

義。娶先大國。公羊傳曰。天子娶於紀。紀。本子爵也。先廢為侯。言王者不娶於小國也。梁小貴人。宜配天祚。

正位坤極。正。其內位。居陰德之極也。易曰。女正位乎內也。帝從之。乃於壽安殿立貴人為皇

后。壽安。是德陽宮內殿名。后既少聰惠。深覽前世得失。雖以德進。不敢有驕

專之心。每日月見。謫。謫。責也。禮記云。陽事不得。謫見於天。日為之食。陰事不得。謫見於月。為之食。輒降服求愆。

建康元年。帝崩。后無子。美人虞氏子炳立。是為冲帝。尊后為皇

太后。太后臨朝。冲帝尋崩。復立質帝。猶秉朝政。時揚徐劇賊寇

擾州郡。西羌鮮卑及日南蠻夷攻城暴掠。賦歛煩數。官民困竭。太后夙夜勤勞。推心仗賢。委任太尉李固等。拔用忠良。務崇節儉。其貪叨罪惡。多見誅廢。貪財曰叨。惡惡也。分兵討伐。群寇消夷。故海內肅然。宗廟以寧。而兄大將軍冀。鴆殺質帝。專權暴濫。忌害忠良。數以邪說疑誤太后。遂立桓帝。而誅李固。太后又溺於宦官。多所封寵。以此天下失望。和平元年春。歸政於帝。太后寢疾。遂篤。乃御輦幸宣德殿。見宦省官屬及諸梁兄弟。詔曰。朕素有心下結氣。從閒以來。加以浮腫。逆害飲食。寢以沈困。寢漸也。比使內外勞心。請禱。私自忖度。日夜虛劣。不能復與群公卿士共相終竟。援立聖嗣。恨不久育。養見其終始。今以皇帝將軍兄弟委付股肱。其各自勉焉。後二日而崩。在位十九年。年四十五。合葬憲陵。

虞美人者。以良家子。年十三。選入掖庭。續漢志曰。美人父詩為郎中。詩父衡屯騎校尉。又生

女舞陽長公主。自漢興。母氏莫不尊寵。順帝既未加美人爵號。而冲帝早夭。大將軍梁冀秉政。忌惡佗族。故虞氏抑而不登。但稱大家而已。陳夫人者。家本魏郡。少以聲伎入孝王宮。得幸。生質帝。亦以梁氏故。榮寵不及焉。熹平四年。小黃門趙祐。續漢志曰。小黃門六百石。宦者無員。掌侍左右。受尚書事。上在內宮。關通中外。及中宮以下。衆事諸公主及妃等。疾苦則使問之。議郎卑整。上言。風俗通曰。卑。何也。貴母貴也。母貴則子何貴。母以子貴。隆漢盛典。尊崇母氏。凡在外戚。莫不加寵。今冲帝母虞大家。質帝母陳夫人。皆誕生聖皇。而未有稱號。夫臣子雖賤。倘有追贈之典。況二母見在。不蒙崇顯之次。無以述遵先世。垂示後世也。帝感其言。乃拜虞大家為憲陵貴人。陳夫人為渤海孝王妃。孝王名鴻。章帝子。千乘貞王。伉之孫。鴻生質帝。帝立徙渤海焉。使中常侍持節授印綬。遣太常以三牲告憲陵。懷陵。靜陵焉。懷陵。冲帝陵。靜陵。質帝陵。

虞皇后紀

孝崇優皇后諱明偃音為蠡吾侯翼滕妾蠡吾侯翼河間王開子和帝孫生桓帝。

桓帝即位明年追尊翼為孝崇皇陵曰博陵以後為博園貴人。

和平元年梁太后崩乃就博陵尊后為孝崇皇后遣司徒持節

奉策授璽綬齋乘輿器服備法物官曰永樂置太僕少府以下

皆如長樂宮故事漢官儀曰帝祖母稱長信宮帝母稱長樂宮故又置虎

賁羽林衛士起宮室分鉅鹿九縣為后湯沐邑在位三年元嘉

二年崩以帝弟平原王石為喪主石蠡吾侯翼子桓帝兄斂以東園畫梓壽

器玉匣飯含之具禮儀制度比恭懷皇后東園署名屬少府掌為棺器梓木為棺以漆畫之稱壽器

者欲其久長也猶如壽堂壽宮壽陵之類也漢舊儀曰梓棺長二丈廣

四尺玉匣者腰已下為柙至足亦綴以黃金為縷飯含者以珠玉實口使司徒持

節大長秋奉弔祠賻錢四千萬公羊傳曰貨財曰賻布四萬匹中謁者僕

射典護喪事侍御史護大駕鹵簿漢官儀曰天子車駕次第謂之鹵簿有大駕法駕小駕大駕公卿奉引大將軍

參乘太僕御屬車八十一乘備千乘萬騎侍御史在左駕馬詢問不法者今儀比車駕故以侍御史監護焉詔安平王豹河間王

建勃海王慳慳音長社益陽二長公主長社公主桓帝姊耿弇弟霸玄孫授尚焉益陽公主桓帝妹侍

中寇梁從與諸國侯三百里內者及中二千石二千石令長相皆

會葬將作大匠復土繕廟合葬博陵

梁皇后紀

桓帝懿獻梁皇后諱女瑩諡法曰溫和聖善曰懿聰明智曰獻順烈皇后之女弟也。

帝初為蠡吾侯梁太后徵欲與后為婚未及嘉禮嘉禮婚禮會質

帝崩因以立帝明年有司奏太后曰春秋迎王后于紀在塗則

稱后公羊傳曰祭公來逆王后于紀傳曰祭公者何天子之三公其稱王后何王者無外其辭成矣今大將軍冀女弟膺

紹聖善膺當也紹嗣也聖善謂母也言娶妻當嗣親也詩云母氏聖善結婚之際有命既集謂太后先有命許結

親也詩云天監在下有命既集也宜備禮章時進徵幣徵成也納幣以成婚請下三公太常案

禮儀奏可於是悉依孝惠皇帝納后故事聘黃金二萬斤納采

鴈璧乘馬束帛一如舊典漢書舊儀聘皇后黃金萬斤呂后為惠帝娶魯元公主女故特優其禮也儀禮曰納采用鴈鄭玄注

云納其采擇之禮用鴈取順陰陽往來也周禮王者親圭以聘女鄭玄注士大夫以

上乃以玄纁束帛天子加以纁圭諸侯加以大璋然禮稱以圭此云用璧形制雖異為

玉同也乘馬四匹馬也雜記曰納幣一建和元年六月始入掖庭八月立

東東五兩兩五尋然則每端二丈也

建和元年六月始入掖庭八月立

建和元年六月始入掖庭八月立

建和元年六月始入掖庭八月立

建和元年六月始入掖庭八月立

建和元年六月始入掖庭八月立

建和元年六月始入掖庭八月立

建和元年六月始入掖庭八月立

建和元年六月始入掖庭八月立

為皇后時太后秉政而梁冀專朝故后獨得寵幸自下莫得進見后藉姊兄廢勢恣極奢靡官幄彫麗服御珍華巧飾制度兼倍前世及皇太后崩恩愛稍衰后既無子潛懷怨忌每官人孕育鮮得全者帝雖迫畏梁冀不敢譴怒然見御轉稀至延熹三年后以憂恚崩在位十三年葬懿陵其歲誅梁冀廢懿陵為貴人家焉

鄧皇后紀

桓帝鄧皇后諱猛女和熹皇后從兄子鄧香之女也母宣初適香生后改嫁梁紀紀者大將軍梁冀妻孫壽之舅也后少孤隨母為居因冒姓梁氏冀妻見后貌美永與中進入掖庭為采女絕幸采擇也以因采擇而立名明年封兄鄧演為南頓侯位特進演卒子康嗣及懿獻后崩梁冀誅立后為皇后帝惡梁氏改姓為薄封后母宣為長安君四年有司奏后本郎中鄧香之女不宜改易它姓

於是復為鄧氏追封贈香車騎將軍安陽侯印綬更封宣康大縣宣為昆陽君康為泚陽侯賞賜巨萬計巨大也大萬謂萬萬也宣卒贈贈葬禮皆依后母舊儀以康弟統襲封昆陽侯位侍中統從兄會襲安陽侯為虎賁中郎將又封統弟秉為清陽侯宗族皆列校郎將帝多內幸博採官女至五六千人及驅役從使復兼倍於此而后特尊驕忌與帝所幸郭貴人更相譖訴八年詔廢后送暴室以憂死漢官儀曰暴室在掖庭內丞一人主室中婦人疾病者其皇后貴人有罪亦就此室也立七年葬於北邙從父河南尹萬世及會皆下獄死統等亦繫暴室免官爵歸本郡財物沒入縣官

竇皇后紀

桓思竇皇后諱妙章德皇后從祖弟之孫女也父諱武延熹八年鄧皇后廢后以選入掖庭為貴人其冬立為皇后而御見甚稀帝所寵唯采女田聖等永康元年冬帝寢疾遂以聖等九女

皆為貴人。及崩無嗣。后為皇太后。太后臨朝。定策立解犢侯宏。是為靈帝。太后素忌忍積。怒田聖等。桓帝梓宮尚在。前殿遂殺田聖。又欲盡誅諸貴人。中常侍管霸。蘇康苦諫。乃止。時太后父大將軍武謀。誅宦官。而中常侍曹節等矯詔殺武。遷太后於南宮雲臺。家屬徙比景。竇氏雖誅。帝猶以太后有援立之功。建寧四年十月朔。率群臣朝于南宮。親饋上壽。黃門令董萌。漢官儀曰黃門令秩六百石因此數為太后訴怨。帝深納之。供養資奉有加於前。中常侍曹節王甫疾萌。附助太后。誣以謗訕。永樂宮。靈帝母所居也。訕謗毀也。萌坐下獄死。熹平元年。太后母卒於比景。后感疾而崩。立七年。合葬宜陵。

董皇后紀

孝仁董皇后諱某。河閒人。為解犢侯養夫人。其河閒孝王開孫淑之子也。生靈

帝。建寧元年。帝即位。追尊養為孝仁皇。陵曰慎陵。以后為慎園

貴人。及竇氏誅。明年。帝使中常侍迎貴人。并徵貴人兄寵到京

師。上尊號曰孝仁皇后。居南宮嘉德殿。嘉德殿在九龍門內。官稱永樂拜

寵執金吾。後坐矯稱永樂后屬請。下獄死。及竇太后崩。始與朝

政。使帝賣官求貨。自納金錢。盈滿堂室。中平五年。以后兄子衛

尉脩侯重。脩今德州縣也。故城在縣南。脩今作蔣音修。為驃騎將軍。領兵千餘人。初后自

養皇子協。數勸帝立為太子。而何皇后恨。議未及定。而帝崩。何

太后臨朝。重與太后兄大將軍進。權勢相害。后每欲參干政事。

太后輒相禁塞。后忿恚。詈言曰。汝今輒張怙。汝兄耶。輒張猶彊梁也。當

勅驃騎斷何進頭來。何太后聞以告進。進與三公及弟車騎將

軍苗等。奏孝仁皇后使故中常侍夏惲。永樂太僕封譚等。交通

州郡。漢官儀曰永樂太僕用中人為之。辜較在所。珍寶貨賂。悉入西省。辜較解見靈

永樂宮。永樂宮蕃后故事不得留京師。蕃后謂平帝母衛姬時王莽攝政恐其事權后不得留在京師故云故事也。

與服有章。膳羞有品。請永樂后遷宮本國。奏可。何進遂舉兵。圍

驃騎府收重。重免官自殺。后憂怖。疾病暴崩。在位二十二年。民間歸咎何氏。喪還河閒。合葬慎陵。

宋皇后紀

靈帝宋皇后諱某。扶風平陵人也。肅宗宋貴人之從曾孫也。

放曰案宋貴人安得有從曾孫姓宋者當是漏一父字建寧三年。選入掖庭為貴人。明年立為皇后。

父鄂執金吾。封不其鄉侯。不其縣屬琅邪郡故城在今萊州即墨縣西南蓋其縣之鄉也其音基決錄注鄂字伯遇

后無寵而居正位。後宮幸姬眾共譖毀。初中常侍王甫枉誅勃

海王悝及妃宋氏。熹平元年王甫譖悝與中常侍鄭璆交通欲迎立悝悝自殺妃死獄中也妃即后之姑也。

甫恐后怨之。乃與太中大夫程阿共構言。皇后挾左道祝詛。

禮記執左道以亂衆殺無赦鄭玄注云左道若巫蠱也帝信之。光和元年。遂策取璽綬。后自致暴

室。以憂死。在位八年。父及兄弟並被誅。諸常侍小黃門在省闥

者。皆隣宋氏無辜。共合錢物。收葬廢后及鄂父子。歸宋氏舊塋

阜門亭。詩云廼立阜門注云王之郭門曰阜門漢官儀曰十二門皆有亭帝後夢見桓帝。怒曰。宋皇后

有何罪過。而聽用邪孽。使絕其命。勃海王悝既已自貶。又受誅

斃。今宋氏及悝。自訴於天。上帝震怒。上帝天也震動也書曰帝乃震怒也罪在難救。

夢殊明察。帝既覺而恐。以事問於羽林左監許永。續漢志曰羽林百石主羽林左騎右亦如之永或作詠曰。此何祥。其可讓乎。讓謂除也永對曰。宋皇后親與

陛下共承宗廟。母臨萬國。歷年已久。海內蒙化。過惡無聞。而虛

聽讒妬之說。以致無辜之罪。身嬰極誅。禍及家族。天下臣妾咸

為怨痛。渤海王悝。桓帝母弟也。處國奉藩。未嘗有過。陛下曾不

證審。遂伏其辜。昔晉侯失刑。亦夢大厲被髮屬地。左傳曰晉侯夢大厲被髮及地搏膺

而踊曰殺余孫不義余得請于帝矣杜預注曰厲鬼趙氏之先祖也晉侯先殺趙同趙括故怒也天道明察。鬼神難誣。宜並

改葬以安冤魂。反宋后之徙家。復勃海之先封。以消厥咎。帝弗

能用。尋亦崩焉。

何皇后紀

靈思何皇后諱某。南陽宛人。家本屠者。以選入掖庭。風俗通曰漢以八月筭人

后家以金帛賂遺主者以求入也長七尺一寸生皇子辯養於史道人家號曰史侯

道人謂道術之人也獻帝春秋曰靈帝數失子不敢正名養道人史子抄家號曰史侯拜后為貴人甚有寵幸性彊

忌後宮莫不震懼光和三立為皇后明年追號后父真為車

騎將軍舞陽宣德侯因封后母與為舞陽君時王美人任娠左

曰邑姜方娠杜預注曰懷胎為娠音之乃反一音身畏后乃服藥欲除之而胎安不動又數夢

負日而行四年生皇子協后遂醜殺美人帝大怒欲廢后諸宦

官固請得止董太后自養協號曰董侯

王美人趙國人也祖父苞五官中郎將美人豐姿色聰敏有才

明能書會計會計謂總會共數而筭以良家子應法相選入掖庭帝愍協早

失母又思美人作追德賦令儀頌中平六年帝崩皇子辯即位

尊后為皇太后太后臨朝后兄大將軍進欲誅宦官反為所害

舞陽君亦為亂兵所殺并州牧董卓被徵將兵入洛陽陵虐朝

廷遂廢少帝為弘農王而立協是為獻帝扶弘農王下殿北面

稱臣太后屢涕群臣含悲莫敢言董卓又議太后踰迫永樂宮

至令憂死逆婦姑之禮乃遷於永安宮因進醜弑而崩在位十

年董卓令帝出奉常亭舉哀華延備洛陽記曰城內有奉常亭公卿皆白衣會不

成喪也有凶事素服而朝謂之白衣會左傳曰不書葬不成喪合葬文昭陵初太后新立當謁二

祖廟欲齋輒有變故如此者數竟不克時有識之士心獨恠之

後遂因何氏傾沒漢祚焉明年山東義兵大起討董卓之亂卓

乃置弘農王於閣上使郎中令李儒進醜曰服此藥可以辟惡

王曰我無疾是欲殺我耳不肯飲強飲之不得已乃與妻唐姬

及宮人飲讌別酒行王悲歌曰天道易兮我何艱棄萬乘兮退

守蕃逆臣見迫兮命不延逝將去汝兮適幽玄因令唐姬起舞

姬抗袖而歌抗舉也曰皇天崩兮后土積史記周烈王崩周人謂齊威王曰天崩地坼也身為

帝兮命夭摧死生路異兮從此乖奈我梵獨兮心中哀因泣下

嗚咽坐者皆歔歔王謂姬曰卿王者妃勢不復為吏民妻自愛

從此長辭。遂飲藥而死。時年十八。唐姬潁川人也。王薨。歸鄉里。父會稽太守瑁欲嫁之。姬誓不許。及李傕破長安。遣兵鈔關東。略得姬。惟因欲妻之。固不聽。而終不自名。不自名少帝之姬也。袁宏絕曰。為傕所略。不敢自言。尚書賈詡知之。魏志曰。詡字文和。武威姑臧人。少時。漢陽閭忠見而異之。曰。詡有良平之才。以狀白獻帝。帝

聞感愴。乃下詔迎姬置園中。使侍中持節拜為弘農王妃。初平元年二月。葬弘農王於故中常侍趙忠成墳中。趙忠元有成。墳因而葬焉。諡曰

懷王。帝求母王美人兄斌。斌將妻子詣長安。賜第宅田業。拜奉車都尉。與平元年。帝加元服。有司奏立長秋宮。詔曰。朕稟受不

弘。遭值禍亂。未能紹先。以光故典。皇母前薨。未卜宅兆。禮章有闕。中心如結。詩云。中心如結。如結兮。三歲之感。蓋不言吉。且須其後。於是

有司乃奏。追尊王美人為靈懷皇后。改葬文昭陵。儀比敬恭二陵。敬恭二陵。帝陵。恭安帝陵。使光祿大夫持節行司空事。奉璽綬斌。與河南尹駱業

復土。斌還。遷執金吾。封都亭侯。凡言都亭者。並城內亭也。漢法。大縣侯位視三公。小縣侯位視上卿。鄉亭侯視中二千石。

也。千石。食邑五百戶。病卒。贈前將軍印綬。謁者監護喪事。長子端襲爵。

伏皇后紀

獻帝伏皇后諱壽。琅邪東武人。東武今密州諸城縣。大司徒湛之八世孫

也。父完沉深有度。襲爵不其侯。尚桓帝女陽安公主。陽安縣屬汝南郡。故城在今豫州期山縣東北。為侍中。初平元年。從大駕西遷長安。后時入掖庭。為

貴人。與平二年。立為皇后。完遷執金吾。帝尋而東歸。李傕郭汜等。追敗乘輿於曹陽。帝乃潛夜渡河走。渡所在今陝州陝縣北。水經曰。銅鞮仲所沒處是。獻帝東遷。潛

度六官皆步行出營。周禮曰。王后率六宮之人。鄭玄注曰。六宮之人。夫人以下。分居后之六宮者。后手持綠數

匹。董承使符節令孫徽。以刃脅奪之。殺傍侍者。血濺后衣。濺音子見。反既至安邑。御服穿敝。唯以棗栗為糧。建安元年。拜完輔國將

軍。儀比三司。完以政在曹操。自嫌尊戚。乃上印綬。拜中散大夫。尋遷屯騎校尉。十四年卒。子典嗣。自帝都許守位而已。宿衛兵

侍莫非曹氏黨舊姻戚議郎趙彥嘗為帝陳言時策曹操惡而殺之其餘內外多見誅戮操後以事入見殿中帝不任其憤因曰君若能相輔則厚不爾幸垂恩相捨操失色俛仰求出舊儀三公領兵朝見令虎賁執刃挾之操出顧左右汗流浹背浹徹也音子協反自後不敢復朝請董承女為貴人操誅承而求貴人殺之帝以貴人有姪說文曰姪孕也音仁蔭反累為請不能得后自是懷懼乃與父完書言曹操殘逼之狀令密圖之完不敢發至十九年事乃露泄操大怒遂逼帝廢后假為策曰皇后壽得由卑賤登顯尊極自處椒房漢官儀曰皇后稱椒房取其蕃實之義也詩云椒聊之實蕃衍盈升二紀于茲既無任姒徽音之美大任文王母大妣武王母徽美也詩云大妣嗣徽音又乏謹身養己之福左傳曰人受天地之中而生謂之命能者養之以福不能者取以取禍而陰懷妒害苞藏禍心弗可以承天命奉祖宗今使御史大夫郗慮持節策詔其上皇后璽綬蔡邕獨斷曰皇后赤綬玉璽續漢志曰乘輿黃赤綬四百首太皇太后皇太后其綬皆與乘輿同退避中宮遷于它館嗚呼傷哉自壽取之未致于理為幸多焉又以尙書令華歆為郗慮副

哉自壽取之未致于理為幸多焉又以尙書令華歆為郗慮副漢志曰華歆字子魚平原高唐人代荀或為尙書令慮字鴻預山陽高平人勅兵入宮收后閉戶藏壁中○劉啟曰歆就牽后出時帝在外殿引慮於坐后被髮徒跣行泣過訣曰不能復相活邪帝曰我亦不知命在何時顧謂慮曰郗公天下寧有是邪遂將后下暴室以幽崩所生二皇子皆酖殺之後在位二十年兄弟及宗族死者百餘人母盈等十九人徙涿郡

曹皇后紀

獻穆曹皇后諱節諡法曰布德執義曰穆魏公曹操之中女也建安十八年操進三女憲節華為夫人聘以束帛玄纁五萬匹小者待年於國留住於國以待年長十九年並拜為貴人及伏皇后被弑明年立節為皇后魏受禪遣使求璽綬后怒不與如此數輩后乃呼使者入親數讓之以璽綬抵軒下抵擲也軒關校也因涕泣橫流曰天不祚爾左

右皆莫能仰視。后在位七年。魏氏既立。以后為山陽公夫人。自後四十一年。魏景初元年。薨。合葬禪陵。車服禮儀。皆依漢制。論曰。漢世皇后無諡。皆因帝諡。以為稱。雖呂氏專政。上官臨制。亦無殊號。上官昭也。帝后也。中興。明帝始建光烈之稱。其後並以德為配。至於賢愚優劣混同一貫。故馬寶二后俱稱德焉。其餘唯帝之庶母。及蕃王承統。以追尊之重。特為其號。如恭懷孝崇之比。是也。初平中。蔡邕始追正和熹之諡。蔡邕集諡議曰。漢世母氏無諡。至于明也。初平中。蔡邕始追正和熹之諡。帝始建光烈之稱。是後轉因帝號加之。以功德安人曰熹。帝后一體禮亦宜同。大行皇太后諡宜為和熹。其安思順烈以下。皆依而加焉。

贊曰。坤惟厚載。陰正乎內。易曰。坤厚載物。又曰。女正位乎內。男正位乎外。詩美好述。述。匹也。詩云。窈窕淑。

女君子好述。言后妃有易稱歸妹。免下震上。歸妹卦也。婦人謂嫁曰歸。妹為少。關睢之德。為君子好匹。女之稱。免為少。陰震為長。陽少陰而承。長陽二相應。五為王侯。故易言帝乙歸妹。祁祁皇嬪。言觀貞淑。祁祁衆多也。嬪亦后。皆示其貞淑。配皇為儷。案字媚。茲良哲。承我天祿。班政蘭閨。宣禮椒。

屋。班固西都賦曰。後宮則掖庭椒房。后妃之室。蘭林蕙。草椒香。發越蘭林殿名。故言蘭閨。椒屋即椒房也。既云德升。亦曰幸。

進。德升謂馬鄧等也。幸。進謂閭何之類也。身當隆極。族漸河潤。公羊傳曰。河海潤千里也。視景爭暉。

方山並峻。乘剛多阻。行地必順。易屯卦象曰。六二之難乘剛也。又坤卦曰。牝馬地類。行地無疆。王弼注云。地之所以得無疆者。以卑順行之故也。咎集驕滿。福協貞信。慶延自己。禍成誰釁。

漢制。皇女皆封縣公主。儀服同列侯。漢法。大縣侯視三公。其尊崇者加號。

長公主。儀服同蕃王。蔡邕曰。帝女曰公主。姊妹曰長公主。建武十五年。封武陽公主。為長公主。即是帝女。尊崇亦為長。非惟姊妹也。

與服志曰。長公主赤罽。諸王女皆封鄉亭公主。儀服同鄉亭侯。鄉亭侯。與服志曰。長公主赤罽。諸王女皆封鄉亭公主。儀服同鄉亭侯。

千石。肅宗唯特封東平憲王。瑗邪孝王。京女為縣公主。東平王傳。案

曰。封著女五人為縣公主。其後安帝桓帝妹亦封長公主。同之皇女。案

主孝王女。傳不見其數。其後安帝桓帝妹亦封長公主。同之皇女。案

禹玄孫少府。褒尙舞陰長公主。耿算曾孫侍中。良尙漢陽公主。岑彭玄孫魏郡守。熙尙

濕陽長公主。來歙玄孫虎賁中郎將。定尙平氏長公主。並安帝妹也。長社益陽公主。桓

帝妹也。其皇女封公主者。所生之子。襲母封為列侯。馮定。襲封侯。

解見上。其皇女封公主者。所生之子。襲母封為列侯。馮定。襲封侯。

襲封平陽侯。此其類也。皆傳國於後。鄉亭之封。則不傳襲。其職僚品

秩。事在百官志。沈約謝儼傳曰。范曄所撰十志。一皆託儼撰。垂畢。遇曄敗。悉蠲。以覆車宋文帝令丹陽尹徐湛之。就儼尋求。已不復得。一代

後漢書紀卷下 皇后下 廿二

後漢書紀卷之十一
以爲恨其志今闕續漢志曰諸公主家令一人六百石丞一人三百石其餘屬吏增減無常漢官儀曰長公備二人私府長一人食官一人永巷長一人家令一人秩皆六百石各有一百石家丞一人三百石也 不足別載故附于后紀末

皇女義王建武十五年封舞陽長公主適延陵鄉侯太僕梁松

舞陽縣屬潁川郡松梁統之子其傳云尚光武女舞陰公主又鄧訓傳舞陰公主子梁扈有罪訓與交通此云舞陽誤也 松坐誹謗誅

皇女中禮十五年封涅陽公主適顯親侯大鴻臚竇固涅陽屬南陽郡顯親

縣屬漢陽郡 固竇融子肅宗尊爲長公主

皇女紅夫十五年封館陶公主適駙馬都尉韓光光坐與淮陽

王延謀反誅

皇女禮劉十七年封消陽公主適陽安侯長樂少府郭璜璜郭

璜坐與竇憲謀反誅

皇女綬綬一作綬二十一年封鄼邑公主適新陽侯世子陰豐豐害

主誅死鄼縣屬南陽郡音擲亦反新陽縣屬汝南郡豐陰就子

世祖五女

皇女姬永平二年封獲嘉長公主適楊邑侯將作大匠馮柱獲嘉

縣屬河內郡楊邑縣屬太原郡柱馮魴子

皇女奴三年封平陽公主平陽縣屬河東郡適大鴻臚馮順馮順子也

皇女迎迎或作延三年封隆慮公主隆慮縣屬河內郡適牟平侯耿襲牟平縣屬東萊郡襲耿弇弟舒之子

皇女次三年封平氏公主平氏縣屬南陽縣既不言所適不顯始終蓋史闕之也它皆倣此

皇女致三年封沁水公主沁水縣屬河內郡適高密侯鄧乾乾鄧震之子禹之孫

皇女小姬十二年封平阜公主平阜縣屬河內郡適昌安侯侍中鄧蕃

昌安縣屬高密國蕃鄧襲子禹之孫也

皇女仲十七年封浚儀公主適軼侯軼侯古曰又音從系反黃門侍郎

王度軼縣屬江夏郡度王符子霸之孫

皇女惠十七年封武安公主適征羌侯世子黃門侍郎來校征羌

縣屬汝南郡校襲之子歆之孫安帝尊爲長公主

十三

皇女臣。建初元年。封魯陽公主。魯陽縣屬南陽郡

皇女小迎。元年。封樂平公主。樂平太清縣屬東郡。章帝更名

皇女小民。元年。封成安公主。成安縣屬潁川郡

顯宗十一女

皇女男。建初四年。封武德長公主

皇女王。四年。封平邑公主。平邑縣屬代郡。今魏郡昌樂東北。又有平邑城。適黃門侍郎馮由。

皇女吉。永元五年。封陰安公主。陰安縣屬魏郡

肅宗三女

皇女保。延平元年。封脩武長公主。脩武縣屬河內郡

皇女成。元年。封共邑公主。共縣屬河內郡

皇女利。元年。封臨潁公主。縣屬潁川郡 適即墨侯侍中賈建。即墨縣屬膠東國。建

賈參子復之曾孫

皇女興。元年。封聞喜公主。聞喜縣屬河東郡

和帝四女

皇女生。永和三年。封舞陽長公主

皇女成男。三年。封冠軍長公主。冠軍縣屬南陽郡

皇女廣。永和六年。封汝陽長公主。汝陽縣屬汝南郡

順帝三女

皇女華。延熹元年。封陽安長公主。適不其侯輔國將軍伏完。伏完

湛五世孫

皇女堅。七年。封潁陰長公主。潁陰縣屬潁川郡

皇女脩。九年。封陽翟長公主

桓帝三女

皇女某。光和三年。封萬年公主

靈帝一女

後漢書皇后紀第十下

Blank columns for text in the right-hand page.

